

方系宜忌攷引

江蘇省立圖書館

昔人有言用藥如用兵者其得失之理
存亡操之危險一也余比疏閣經冠以存
其間有諸藥名病之條當慎後人未始觸類
引伸至於疏傳或以存繁義博難免厥旨因
至病忌于先以藥忌又次主治而於病忌
之中條分縷析以見方之達立不論法制藥



忘之六精不象血虛寃之熱攻補和緩各有
過忌不以濬施繼以主治關切之品詳載于
後以備因病采用三義並陳是亦自見得臨
證者屢卷了然決擇勿宜無漫於誤示至極
重人節因署之曰方藥宜忌攷遺諸字內以
便考鏡云

東吳繆希雍仲淳甫後于三卷九卷中

繆仲淳先生方藥宜忌攷序

坡老有言吾雖無疾而性好脩

善藥得人疾愈吾為之體輕因

笑予癖猶是也居恒稍暇手方

書見夫賸探隱索靡不推究精

微以彰厥用嘗掩卷咲曰備哉
聖人之能事也惟聖人之言曰
盡人之性盡物之性可與天地
參醫之功其可誣哉軒岐尚矣
次如史所紀漢倉秦扁洞垣一

方術也乎哉予友仲淳氏少列
淵穎不羈之目於書無所不窺
故業舉子一擊不中慨然棄去
學書學劍旁通形家者言學殖
業厚世無知者乃其志萬於活

人無所試而試諸醫時出其緒
劑方調散立起病者世始咸知
仲淳推若神云夫以仲淳之才
屬當盤錯不以謨訥顯而願使
之咲傲湖山跌宕文史放其行

如古之逃靈者或者造物有意
斯民而故老其材以甦札癘耶
是故問某疾則舉某方問某方
則舉某藥在醫概知之至問某
藥奚以方宜某方奚以疾宜有

目眩口眩而已局方罔變懲者
震鍊仲淳不無惻焉故為作疏
闡經續序例以盡變不佞受而
讀之條分縷析鼎三井三恍登
軒岐之堂而面受記也噫此仲

淳一斑也然於救世功有餘矣
爰令兒子之賢訂之梓匪醫夫
疾者并醫夫醫疾者
天啓甲子春仲朱汝賢題于嘉
蓮居

繆仲淳先生

第一卷

續序例上

病因論治

第二卷

續序例下

陰陽表裏虛實
五臟六腑虛實

第三卷

續序例下

六淫 雜證 婦人
小兒 外科

第四卷

本草經疏

玉石部三品

第五卷

本草經疏 草部上品之上

第六卷

本草經疏 草部上品之下

第七卷

本草經疏 草部中品之上

第八卷

本草經疏 草部中品之下

第九卷

本草經疏 草部上品之上

第十卷

本草經疏 草部下品之下

第十一卷

本草經疏 木部上品

第十二卷

本草經疏 木部中品以後

繆仲淳先生續序例上 卷之一目次

治法綱

論五臟苦欲補瀉

附錄五臟苦欲補瀉

并續解五

條

論七方本義

附錄七方

論十劑本義

十劑補遺

陰陽寒熱臟腑經絡氣血表裏標本先後虛實

緩急

論制方和劑治療大法

論塞因塞用通因通用寒因熱用熱因寒用用
熱遠熱用寒遠寒

論天地風氣漸薄人亦因之漸弱用藥消息亦
必因之而變不可執泥古法輕用峻利

論治陰陽諸虛病皆當以保護胃氣爲急

論諸病惟虛與火爲難治

論陽常有餘陰常不足藥必因之以爲損益誤
則殺人

論上盛下虛本于腎水真陰不足

論陰精陽氣補益不同

論治氣三法藥各不同

論治血三法藥各不同

論治吐血三要

論腎泄多在黎民所由

論少年人陽痿因于失志不宜補陽

論似中風與真中風治法迥別誤則殺人

似中風問答

論瘡痢宜從六淫例治

續本經序例
卷之一
論病由七情生者祇應養性怡神發舒志氣以
解之不宜全仗藥石攻治

論傷寒瘟疫癰疽痘癩瘡疾諸病皆由實邪所
發自裏發出於表者吉由表陷入於裏者凶

祝醫五則

續序例題後

續神農本經序例上卷之一

東吳繆希雍仲淳甫著

西吳朱汝賢君亮甫較

五臟苦欲補瀉論

五臟苦欲補瀉乃用藥第一義好古爲東垣高足東
垣得之潔古潔古實宗仲景仲景遠師伊尹伊尹原
本炎黃聖哲授受百世一源靡或少異不明乎此不
足以言醫矣何則五臟之內各有其神神各有性性
復各殊故素問命十二官之名厥有旨焉蓋形而上
者神也有知而無質形而下者塊然者也五臟之體

也有質而無知各各分斷者也肝藏魂肺藏魄心藏神脾藏意與智腎藏精與志皆指有知之性而言即神也神也者陰陽不測之謂也是形而上者臟之性也惟其無形故能主乎有形故知苦欲者猶言好惡也違其性故苦遂其性故欲欲者是本臟之神之所好也即補也苦者是本臟之神之所惡也即瀉也補瀉係乎苦欲苦欲因乎臟性不屬五行未落陰陽其神用之謂與自虛則補其母已下乃言臟體之虛實始有補母瀉子之法斯則五行之性也

明乎此斯可以言藥道矣

五臟苦欲補瀉解

肝苦急急食甘以緩之

甘草

欲散急急食辛以散之

川

芎

以辛補之

細辛

以酸瀉之

芍藥

虛以生姜陳皮

之類補之

經曰虛則補其母水能生木腎乃木

之母腎水也苦以補腎熟地黃黃檗是已如無他

證錢氏地黃丸主之實則白芍藥瀉之如無他證

錢氏瀉青丸主之實則瀉其子心乃肝之子以甘

草瀉心

肝為將軍之官言不受制者也急則有摧折之意

焉故苦而惡之緩之是使遂其性也甘可以緩甘
草之屬是已扶蘇條達木之象也升發開展魂之
用也故其性欲散辛以散之解其束縛也是散即
補也辛可以散川芎之屬是已若其太過則屈制
之母使逾分酸可以收芍藥之屬是已斂也急也
肝性之所苦也違其性而苦之肝斯虛矣補之以
辛是明以散爲補也細辛生姜陳皮之屬是已

心苦緩急食酸以收之

五味子

欲軟急食鹹以軟之

芒硝

以鹹補之

澤瀉

以甘瀉之

人參
甘草

黃芪

虛以

炒鹽補之虛則補其母木能生火肝乃心之母肝
木也以生姜補肝如無他證錢氏安神丸主之實
則甘草瀉之如無他證錢氏方中重則瀉心湯輕
則導赤散

心爲形君神明之性惡散緩而喜收斂散緩則違
其性斂則寧靜清明故宜酸以收其緩也軟者和
調之義也心君本自和調邪熱乘之則躁急故復
須芒硝之鹹寒除其邪熱以軟其躁急堅勁之氣
使復其平也以鹹補之澤瀉導心氣以入腎也煩

勞則虛而生熱故須人參黃芪甘草之甘溫以益元氣而虛熱自退故謂之瀉也心以下交於腎爲補炒鹽之鹹以潤下卽得心與腎交也火空則發鹽爲水味得之俾心氣下降是旣濟之道也有補之義焉故軟卽補也

脾苦濕急食苦以燥之

白朮

欲緩急食甘以緩之

甘

草

以甘補之

人參

以苦瀉之

黃連

虛以甘草大棗

之類補之如無他證錢氏益黃散主之心乃脾之母以炒鹽補心實則枳實瀉之如無他證以瀉黃

散瀉之肺乃脾之子以桑白皮瀉肺脾爲倉廩之官主運動磨物之臟燥其性也宜健而不宜滯濕斯滯矣違其性故苦而惡之急食苦以燥之使復其性之所喜脾斯健矣白朮之苦溫是已過燥則復欲緩之以甘甘草之屬是已稼穡之化故甘先入脾性欲健運氣旺則行補之以甘人參是已長夏之令濕熱主之脾氣斯困故當急食苦以瀉之黃連之苦寒是已虛則宜補炙甘草之甘以益血大棗之甘溫以益氣乃所以補其不足也

肺苦氣上逆急食苦以洩之

訶子皮 一作黃芩

欲收急食酸

以收之

白芍藥

以辛瀉之

桑白皮

以酸補之

五味

虛則五味子補之如無他證錢氏阿膠散補之脾乃肺之母以甘草補脾實則桑白皮瀉之如無他證以瀉白散瀉之腎乃肺之子以澤瀉瀉腎

肺為華蓋之臟相傳之官藏魄而主氣者也氣常則順變則逆逆則違其性矣故宜急食苦以泄之黃芩之屬是已肺主上焦其政欽肅故其性喜收宜急食酸以收之白芍藥之屬是已賊肺者熱也

肺受熱邪宜急食辛以瀉之桑白皮之屬是已不欽則氣無所管束是肺失其職也故宜補之以酸使遂其收欽之性以清肅乎上焦是即補也五味子之屬是已

腎苦燥急食辛以潤之

知母

欲堅急食苦以堅之

黃

以苦補之

地黃

以鹹瀉之

澤瀉

虛則熟地黃黃檗

補之腎本無實不可瀉錢氏止有補腎地黃丸無瀉腎之藥肺乃腎之母以五味子補肺腎為作強之官藏精與志主五液屬真陰水臟也其性本潤

故惡涸燥宜急食辛以潤之知母之屬是已欲堅
急食苦以堅之蓋腎非堅則無以稱作強之職四
氣以遇濕熱卽軟遇寒冷卽堅五味以得鹹卽軟
得苦卽堅故宜急食苦以堅之黃檗味苦氣寒可
以堅腎故急食以遂其欲堅之性也以苦補之是
堅卽補也地黃黃檗之屬是已鹹能軟堅軟卽瀉
也澤瀉之屬是已虛者精氣奪也藏精之臟苦固
能堅然非益精無以爲補故宜熟地黃黃檗之屬
以補之是已

論七方本義

夫方者法也法乃所以制物者也故大小緩急奇
偶複七者爲法制之變且盡也七方不同同歸已
疾其制各異異以從宜岐伯言之已詳後人演之
彌悉凡制方者必本乎是苟悖其制則非法矣非
法則不能所施合轍而反致乖制惡在其能攻邪
已疾耶

附錄七方

岐伯曰氣有多少形有盛衰治有緩急方有大小又

曰病有遠近證有中外治有輕重近者偶之遠者
 奇之汗不以奇下不以偶補上治下制以緩補下
 治下制以急近而偶奇制小其服遠而奇偶制大
 其服大則數少小則數多多則九之少則一之奇
 之不去則偶之偶之不去則反佐以取之所謂寒

熱溫涼反必其病也

王冰曰臍位有高下臍氣有遠近病症有表裡藥用有輕

重單方為奇複方為偶心肺為近肝腎為遠脾胃
 居中腸膀胱膽亦有遠近識見高遠權以合宜方
 奇而分兩偶方偶而分兩奇近而偶制多數服之
 遠而奇制少數服之則肺服九心服七脾服五肝
 服三腎服一為常制也方與其重也寧輕與其毒
 也寧善與其大以奇方不去偶方主之偶方不去

則反佐以同病之氣而取之夫微小之熱折之以
 寒微小之冷消之以熱其大寒熱則必能與異氣
 相格聲不同不相應氣不同不相合是以反其佐
 以同其氣復令寒熱參合使其始同終異也逆者
 正治從者反治反佐即從治也謂熱在下而上有
 寒邪拒格則寒藥中入熱藥為佐下膈之後熱氣
 既散寒性隨發也寒在下而上有浮火拒格則熱
 藥中入寒藥為佐下膈之後寒氣既消熱性隨發
 也此寒因熱用熱因寒用之妙也溫冷倣此完素
 曰流變在乎病主病在乎方制方在乎人方有七
 大小緩急奇偶複也制方之體本于氣味寒熱溫
 涼四氣生於天酸苦辛鹹甘淡六味成于地是以
 有形為味無形為氣氣為陽味為陰辛甘發散為
 陽酸苦涌泄為陰鹹味涌泄為陰淡味滲泄為陽
 或收或散或緩或急或燥或潤或奠或堅各隨臟
 腑之證而施藥之品味乃分七分之制也故奇偶
 複三方也大小緩急四制之法也故曰治有緩急方有大小

大方

岐伯曰君一臣三佐九制之大也君一臣三佐五制之中也君一臣二制之小也又曰遠而奇偶制大其服近而偶奇制小其服大則數少小則數多多則九之少則一之完素曰身表為遠裡為近大小者制奇偶之法也假如小承氣湯調胃承氣湯奇之小方也大承氣湯抵當湯奇之大方也所謂因其攻裡而用之也桂枝麻黃偶之小方也葛根青龍偶之大方也所謂因其發表而用之也故曰汗不以奇下不以偶張從正曰大方有二有君一臣三佐九之大方病有兼證而邪不一不可以一二味治者宜之有分兩大而頓服之大方肝腎及下部之病遠者宜之王太僕以心肺為近腎肝為遠脾胃為中劉河間以身表為遠身裡為近以予觀之身半以上其氣三天之分也身半以下其氣三地之分也中脘人之分也

小方

從正曰小方有二有君一臣二之小方病無兼證邪氣專一可一或二味治者宜之有分

少而頻服之小方心肺及在上之病者宜之徐徐細呷是也完素曰肝腎位遠數多則其氣緩不能速達於下必大劑而數少取其迅急下走也心肺位近數少則其氣急下走不能升發於上必小劑而數多取其易散而上行也王氏所謂肺服九心服七脾服五肝服三腎服一乃五臟生成之數也

緩方

岐伯曰補上治上制以緩補下治下制以急也病所遠而中道氣味之者食而過之無越其制

度也王冰曰假如病在腎而心氣不足服藥宜急過之不以氣味飼心腎藥凌心心復益衰矣餘上下遠近例同完素曰聖人治上不犯下治下不犯上治中上下俱無犯故曰誅伐無過命曰大惑好古曰治上必妨下治表必違裡用黃芩以治肺必妨脾用菴蓉以治腎必妨心服乾薑以治中必僭上服附子以補火必潤水從正曰緩方有五有甘以緩之之方甘草糖蜜之屬是也病在胸膈取其甜戀也有丸以緩之之方比之湯散其行遲慢也

有品件衆多之緩方藥衆則通相拘制不得各騁其性也有無毒治病之緩方無毒則性純功緩也

急方

完素曰味厚者為陰味薄者為陽故

者為陽中之陰故氣厚則發熱氣薄則發汗是也
好古曰治主宜緩緩則治其本也治客宜急急則
治其標也表裡汗下皆有所當緩所當急從正曰
急方有因有急病急攻之急方中風關格之病是
也有湯散蕩滌之急方下咽易散而行速也有毒
藥之急方毒性能上湧下泄以奪病勢也有氣味
俱厚之急方氣味俱厚直趣於下而力不衰也

奇方

王冰曰單方也從正曰奇方有二有獨用一
物之奇方病在下而遠者宜之有藥合陽數

一三五七九之奇方宜下不宜汗完素曰假如小
承氣奇之小方也大承氣抵當湯奇之大方也所

謂因其攻下而為之也桂枝麻黃偶之小方也葛
根青龍偶之大方也所謂因其發散而用之也故
曰汗不以奇下不以偶

偶方

從正曰偶方有三有兩味相配之偶方有古
之二方相合之偶方古謂之複方皆病在上

而近者宜之有藥合陰數二四六八十之偶方宜
汗不宜下王太僕言汗藥不以偶則氣不足以外
發下藥不以奇則藥毒攻而致過意者下本迅利
故單行則力專專則直下不旁及而速汗或難出
故併行則物衆而力微乎乃仲景制桂枝汗藥
及以三味為奇大承氣下藥及以四味為偶何也
豈汗下緩急在力之小大而不以數之奇偶為重乎

複方

岐伯曰奇之不去則偶之是謂重方好古曰
奇之不去復以偶偶之不去復以奇故曰複

複者再也重也所謂十補一泄數泄一補也又傷
寒見風脉傷風得寒脉為脉證不相應宜以複方

主之從正曰複方有三有二方三方及數方相合之複方如桂枝二越脾一湯五積散之屬是也本方之外別加餘藥如調胃承氣加連翹薄荷黃芩梔子爲涼膈散之屬是也有分兩均齊之複方如胃風湯各等分之屬是也王太僕以偶爲複方今七方有偶又有複豈非偶乃二方相合複乃數方相合之謂乎

論十劑本義

劑者從齊從刀用以齊其不齊而成其齊也夫獨用之謂藥合用之謂劑而其才有長短大小良毒之難齊故用有相益相濟相畏相惡相忌相制之不同則劑有宣通補瀉輕重滑澀燥濕十者對治之各異譬夫良相劑量羣才以成治世之功類良醫劑量羣藥以成治病之功其義一也岐伯論之詳矣凡和劑者必本乎是苟昧其旨而違其道卽失對治之義求疾之瘳其可得乎

附錄十劑

劉完素曰制方之體微成七方十劑之用者必本於氣味也寒熱溫涼四氣生於天酸苦辛鹹甘淡六味成於地是以有形爲味無形爲氣氣爲陽味爲陰陽氣出上竅陰味出下竅氣化則精生味化則形長故地產養形形不足者溫之以氣天產養精精不足者補之以味辛甘發散爲陽酸苦涌泄爲陰鹹味涌泄爲陰淡味滲泄爲陽辛散酸收甘緩苦堅鹹爽各隨五臟之病而制藥性之品味故

方有七劑有十方不七不足以盡方之變劑不十不足以盡劑之用方不對證非方也劑不蠲疾非劑也此乃太古先師設繩墨而取曲直叔世方士乃出規矩以爲方圓夫物各有性制而用之變而通之施於品劑其功用豈有窮哉如有因其性而爲用者有因其用而爲使者有因其所勝而爲制者有氣相同則相求者有氣相尅則相制者有氣有餘而補不足者有氣相感則以意使者有質同而性異者有名異而實同者故蛇之性上竅而

引藥蟬之性外脫而退翳蚩蝨飲血而用以治血鼠
善穿而用以治漏所謂因其性而爲用者如此弩
牙速產以機發而不括也杵糠下咽以杵築下也
所謂因其用而爲使者如此浮萍不沉水可以勝
濕獨活不搖風可以治風所謂因其所勝而爲制
者如此麻木穀而治風豆水穀而治水所謂氣相
同則相求者如此牛土畜乳可以止渴疾豕水畜
心可以鎮恍惚所謂因其氣相剋則相制也如此
熊肉振羸兔肝明視所謂其氣有餘補不足也如

此鯉之治水驚之利水所謂因其氣相感則以意
使者如此蜜成於蜂蜜溫而蜂寒油生於麻麻溫
而油寒茲同質而異性者也蘼蕪生於芎藭蓬蘽
並於覆盆茲名異而實同者也如斯之類不可勝
舉故天地賦形不離陰陽形色自然皆有法象毛
羽之類生於陽而屬於陰鱗甲之類生於陰而屬
於陽空青法木色青而主肝丹砂法火色赤而主
心雲母法金色白而主肺磁石法水色黑而主腎
黃石脂法土色黃而主脾故觸類而長之莫不有

自然之理也欲為醫者上知天文下知地理中知人事三者俱明然後可以語人之疾病不然則如無目夜遊無足登陟動致顛殞而欲愈疾者未之有也

徐之才曰藥有宣通補瀉輕重滑澀燥濕十種是藥之大體而本經不言後人未述凡用藥者審而詳之則靡所遺失矣

宣劑 之才曰宣可去壅生薑橘皮之屬是也杲曰外感六淫之邪欲傳入裡三陰實而不受逆於胸中天分氣分窒塞不通而或噦或嘔所謂壅也三陰者脾也故必破氣藥如薑橘藿香半夏之

類瀉其壅塞從正曰俚人以宣為瀉又以宣為通不知十劑之中已有瀉矣仲景曰春病在頭大法宜吐是宣劑即涌劑也經曰高者因而越之木鬱則達之宣者升而上也以君召臣曰宣是矣凡風癩中風胸中諸實痰飲塞結胸中熱鬱上而不下久則嗽喘滿脹水腫之病生焉非宣劑莫能愈也吐中有汗如引涎追淚嚏鼻凡上行者皆吐法也完素曰鬱而不散為壅必宣以散之如痞滿不通之類是矣攻其裡則宣者上也泄者下也涌劑則瓜蒂梔子之屬是矣發汗解表亦同好古曰經有五鬱木鬱達之火鬱發之土鬱奪之金鬱泄之水鬱折之皆宣也教曰宣揚制曰宣朗君召臣曰宣喚臣奉君曰命宣布上意皆宣之意也

通劑 之才曰通可去滯通草防已之屬是也完素曰雷而不行必通以行之如水病為痰癖之類以木通防已之屬攻其內則雷者行也滑石茯苓芩芫花甘遂大戟牽牛之類是也從正曰通者流

通也前後不得洩便宜木通海金沙琥珀大黃之屬通之脾病鬱滯經隧不利亦宜通之
 補劑之才曰補可去弱人參羊肉之屬是也杲曰
 肉補形人參補氣凡氣味與二藥同者皆是也從
 正曰五臟各有補瀉五味各補其臟有表虛裡虛
 上虛下虛陰虛陽虛氣虛血虛經口精不足者補
 之以味形不足者補之以氣五穀五菜五果五肉
 皆補養之物也

瀉劑之才曰瀉可去閉葶藶大黃之屬是也杲曰
 葶藶苦寒氣味俱厚不減大黃能泄肺中之
 閉又瀉大腸大黃走而不守能泄血閉腸胃渣穢
 之物一泄氣閉利小便一泄血閉利大便凡與二
 藥同者皆然從正曰實則瀉之諸痛為實痛隨利
 減芒硝大黃牽牛甘遂巴豆之屬皆瀉劑也其催
 生下乳磨積逐水破經洩
 氣凡下行者皆下法也

輕劑之才曰輕可去實麻黃葛根之屬是也從正
 曰風寒之邪始客皮膚頭痛身熱宜解其表
 內經所謂輕而揚之也癰瘡疥癩俱宜解表汗以
 泄之毒以熏之皆輕劑也凡熏洗蒸灸熨烙刺砭
 導引按摩
 皆汗法也

重劑之才曰重可去怯磁石鉄粉之屬是也從正
 曰重者鎮墜之謂也怯則氣浮如喪神失守
 而驚悸氣上硃砂水銀沉香黃丹寒水石之倫皆
 體重也久病咳嗽涎潮於上形羸不可攻者以此
 墜之經云重者因
 而減之貴其漸也

滑劑之才曰滑可去著冬葵子榆白皮之屬是也
 完素曰澀則氣著必滑劑以利之滑能養竅
 故潤利也從正曰大便燥結宜麻仁郁李之類小
 便癃閉宜葵子滑石之類前後不通兩陰俱閉也
 名曰三焦約約者束也宜先以
 以滑劑潤養其燥然後攻之

賣申長太經
 上卷之一

澀劑之才曰澀可去脫牡蠣龍骨之屬是也完素

澀劑以收斂之從正曰寢汗不禁澀以牡蠣五味

五倍之屬滑泄不已澀以肉豆蔻訶黎勒沒石子

義也然此種皆宜先攻其本而後收之可也

燥劑之才曰燥可去濕桑白皮赤小豆之屬是也

桑皮之屬濕勝於上以苦吐之以淡滲之是也從

正曰積寒久冷吐利腥穢上下所出水液澄澈清

冷此大寒之病宜薑附胡椒輩以燥之若病濕氣

則陳皮白朮木香蒼朮之屬除之亦燥劑也而黃

連黃檗梔子大黃其味皆苦苦屬火化皆能燥濕

此內經之本旨也豈獨二朮之類為燥劑乎好古

曰濕有在上在中在

下在經在皮在裡

濕劑之才曰濕可去枯白石英紫石英之屬是也

從正曰濕者潤濕也雖與滑類少有不同經

云辛以潤之辛能走氣能化液故也鹽硝味雖鹹

屬真陰之水誠濡枯之上藥也人有枯涸皴揭之

病非獨金化蓋有火以乘之故非濕劑不能愈完

素曰津耗為枯五臟痿弱榮衛涸濇必濕劑以潤

之好古曰有減氣而枯有減血而枯

十劑補遺

十劑之後陶隱居續入寒熱二劑豈知寒有時而不
可以治熱熱有時而不可以治寒何者陰虛內熱當
用甘寒滋腎家之陰是益水以制火也設用芩連梔
子苦寒之劑以攻熱則徒敗胃氣苦寒損胃而傷血
血愈不足則熱愈熾胃氣傷則後天之元氣愈無所
養而病轉增劇也陽虛中外俱寒當以人參黃耆以
益表裡之陽氣而少佐桂附以回陽則其寒自解是
益火以祛寒也設專用辛熱如吳茱萸乾薑麻黃胡

蘆巴萆芩胡椒之屬以散寒則辛能走散真氣愈虛其寒愈甚王安道所謂辛熱愈投而沉寒愈滋也二者非徒無益而又害之顧不悖歟况寒熱二劑攝在補瀉義不重出今當增入升降二劑升降者治法之大機也經曰高者抑之卽降之義也下者舉之卽升之義也是以病升者用降劑病降者用升劑火空則發降氣則火自下矣火下是陽交於陰也此法所宜降者也勞傷則陽氣下陷入於陰分東垣所謂陰實陽虛陽虛則內外俱寒間有表熱類外感者但不頭疼口渴及熱有時而間爲異耳法當升陽益氣用參耆炙甘草益元氣以除虛熱虛寒佐以升麻柴胡引陽氣上行則表裡之寒熱自解卽甘溫除火熱此之謂法所宜升者也

治法綱

陰陽寒熱臟腑經絡氣血表裏標本先後虛實
緩急

病在於陰母犯其陽病在於陽母犯其陰犯之者是
謂誅伐無過病之熱也當察其源火苟實也苦寒鹹
寒以折之若其虛也甘寒酸寒以攝之病之寒也亦
察其源寒從外也辛熱辛溫以散之動於中也甘溫
以益之辛熱辛溫以佐之經曰五臟者藏精氣而不
瀉者也故曰滿而不能實是有補而無瀉者其常也

臟偶受邪則瀉其邪邪盡卽止是瀉其邪非瀉臟也
臟不受邪母輕犯也世謂肝無補法知其謬也六腑
者傳導化物糟粕者也故曰實而不能滿邪客之而
爲病乃可攻也中病乃已母盡劑也病在於經則治
其經病流於絡則及其絡經直絡橫相維輔也病從
氣分則治其氣虛者溫之實者調之病從血分則治
其血虛則補肝補脾補心實則爲熱爲瘀熱者清之
瘀者行之因氣病而及血者先治其氣因血病而及
氣者先治其血因證互異宜精別之病在於表母攻

其裡病在於裡母虛其表邪之所在攻必從之受邪
爲本現證爲標五虛爲本五邪爲標譬夫腹脹由於
濕者其來必速當利水除濕則脹自止是標急於本
也當先治其標若因脾虛漸成脹滿夜劇晝靜病屬
於陰當補脾陰夜靜晝劇病屬於陽當益脾氣是病
從本生本急於標也當先治其本舉一爲例餘可類
推矣病屬於虛宜治以緩虛者精氣奪也若屬沉痼
亦必從緩治虛無速法亦無巧法蓋病已沉痼凡欲
施治宜有次第故亦無速法病屬於實宜治以急實

者邪氣勝也邪不速逐則爲害滋蔓故治實無遲法
亦有巧法此病機緩急一定之法也

論制方和劑治療大法

夫虛實者諸病之根本也補瀉者治療之綱紀也何
謂虛五臟六腑虛所生病也何謂實五臟六腑實所
生病也經曰真氣奪則虛邪氣勝則實虛則補之實
則瀉之此萬世之常經也以補爲瀉是補中有瀉也
以瀉爲補是瀉中有補也譬夫參耆炙甘草之退勞
倦氣虛發熱地黃黃芩之滋水堅腎以除陰虛潮熱
是補中之瀉也桑根白皮之瀉肺火車前子之利小
便除濕是瀉中之補也舉斯爲例餘可類推矣升降

者病機之要最也升爲春氣爲風化爲木象故升有散之之義降爲秋氣爲燥化爲金象故降有斂之之義飲食勞倦則陽氣下陷宜升陽益氣瀉利不止宜升陽益胃鬱火內伏宜升陽散火滯下不休宜升陽解毒開胃除熱因濕洞泄宜升陽除濕肝木鬱於地中以致小腹作脹作痛宜升陽調氣此病宜升之類也陰虛則水不足以制火火空則發而炎上其爲證也爲咳嗽爲多痰爲吐血爲鼻衄爲齒衄爲頭痛爲齒痛爲眼痛爲頭眩爲暈爲眼花爲惡心爲嘔吐爲

口苦舌乾爲不眠爲寒熱爲骨蒸是謂上盛下虛之候宜用蘇子枇杷葉麥門冬白芍藥五味子之屬以降氣氣降則火自降而氣自歸元而又益之以滋水添精之藥以救其本則諸證自瘳此病宜降之類也設宜降而妄升當升而反降將使輕變重重必斃矣

論塞因塞用通因通用寒因熱用熱因寒用用
熱遠熱用寒遠寒

經曰塞因塞用者譬夫脾虛中焦作脹腎虛氣不歸
元致上焦逆滿用人參之甘以補元氣五味子之酸
以收虛氣則脾得補而脹自消腎得補而氣自歸元
則逆滿自平而上焦清泰矣通因通用者譬夫傷寒
挾熱下利或中有燥糞必用調胃承氣湯下之乃安
滯下不休得六一散清熱除積而愈皆其義也寒因
熱用是藥本寒也而反佐之以熱熱因寒用是藥本

熱也而反佐之以寒則無拒格之患故曰先必其所
主而伏其所因也用熱遠熱者是病本於寒法應熱
治所投熱劑僅使中病毋令過焉過則反生熱病矣
用寒遠寒亦同此

論天地風氣漸薄人亦因之漸弱用藥消息亦
必因之而變不可執泥古法輕用峻利

夫人在氣交之中其強其弱卒莫逃乎天地之氣明
甚是以上古之人度百歲乃去今則七十稱古稀矣
身形長大常過七尺今則世鮮六尺之軀矣其壽數
精神既已漸減則氣血臟腑亦應因之漸薄乃天地
之風氣使然有非人力所能挽回者又况時丁未造
衆生識昏見陋五欲熾然難解難遏斲喪戕賊日惟
不足於是疾病叢生虛多實少臨證施治多事調養

專防尅伐此今日治法之急務也假令病宜用熱亦當先之以溫病宜用寒亦當先之以清縱有積滯宜消必須先養胃氣縱有邪氣宜祛必須隨時逐散不得過劑以損傷氣血氣血者人之所賴以生者也氣血一虧則諸邪輻輳百病橫生世人之病十有九虛醫師之藥百無一補寧知用藥一誤則實者虛虛者死是死於醫藥而非死於疾病也其慎其難屬諸司命臨證之頃宜加戰兢勉之哉母執已見而輕人命也

論治陰陽諸虛病皆當以保護胃氣爲急

夫胃氣者卽後天元氣也以穀氣爲本是故經曰脉有胃氣曰生無胃氣曰死又曰安穀則昌絕穀則亡可見先天之氣縱猶未盡而他臟不至盡傷獨胃氣偶有傷敗以至於絕則速死矣穀氣者譬國家之餉道也餉道一絕則萬衆立散胃氣一敗則百藥難施若陰虛若陽虛或中風或中暑乃至瀉利滯下胎前產後丁腫癰疽痘瘡痧癩驚疝靡不以保護胃氣補養脾氣爲先務本所當急也故益陰宜遠苦寒益陽

宜防泄氣祛風勿過燥散消暑毋輕下通瀉利勿加
消導滯下之忌芒硝巴豆牽牛胎前泄瀉之忌當歸
產後寒熱之忌芩連梔子丁腫癰疽未潰之忌當歸
痘癩之不可妄下其他內外諸病應設藥物之中凡
與胃氣相違者槩勿施用投藥之頃宜加三思

論諸病惟虛與火爲難治

經曰精氣奪則虛又曰邪之所轉其氣必虛虛者空
也無也譬諸國內空虛人民離散則百禍易起鎮撫
爲難非委任賢智安靖休養以生息之未可保其無
事也病之虛者亦猶是已醫非明喆孰能鎮之以靜
久而弗搖卒成收合散亡克復故物之功哉是故經
曰不能治其虛安得其和蓋言虛爲可病之本宜其
首舉以冠諸證也夫火者陽也氣也以水爲對待者
也水爲陰精火爲陽氣二物匹配名曰陰陽和平亦

名水火生氣如是則諸病不作矣設不善攝養以致
陰虧水涸則火偏勝陰不足則陽必轉之是謂陽盛
陰虛亦曰壯火食氣是知火卽氣也氣卽火也故仙
經謂藥卽火火卽藥一而二二而一者也東垣亦曰
火與元氣不兩立亦指此也譬諸水性本流本寒過
極則凝而不流爲層冰矣鮮則復常非二物也蓋平
則爲水火旣濟當斯時也火卽真陽之氣矣及其偏
也則積陽氣而爲火也始與元氣不兩立而成乖否
之象矣故戴人亦曰莫治風莫治燥治得火時風燥
了言苟能解此則已達陰陽水火之原曲暢旁通何
施不可正指火之變態多端其爲病也非一了此則
餘皆可辦然學者非心領神會詎足喻於茲乎

論陽常有餘陰常不足藥必因之以爲損益誤
則殺人

人身之有陰陽也水一而已火則二焉是稟受之始
陽常有餘陰常不足天地且然况於人乎故自少至
老所生疾病靡不由於真陰不足者其恒也若夫真
陽不足之病千百而一二矣陽者氣也火者神也陰
者血也水也精也陰陽均平氣血和調是爲平人氣
象之常候苟失所養或縱恣房室或肆情喜怒或輕
犯陰陽或好嗜辛熱以致腎水真陰不足不能匹配

陽火遂使陽氣有餘氣有餘卽是火故火愈盛而水愈涸於是發爲吐血咳嗽吐痰內熱骨蒸盜汗種種陰虛等病醫師不察不揆其本凡見前證不分陰陽類施溫補參耆二朮視同食物佐以薑桂若啖五辛倘遇憊劇輒投附子於是輕者重重者斃纍纍相踵死而不悟良可憫也然使其術得售者不獨醫師之罪亦病家不明有以致之耳何則難成易虧者陰也益陰之藥縱醫師選用無差亦必無旦夕之効助陽之藥能使胃氣一時暫壯飲食增加或陽道興舉有似神旺醫師藉以要功病者利其速効彼此固執莫辨厥由故知陰虛真水不足之病十人而九陽虛真火不足之病十不得一醫師之藥補助陽火者往往槩施滋益陰精者未嘗少見宜乎服藥者之多斃無藥者之反存也予見世醫以此傷人者甚衆茲特著其誤以爲世戒

論上盛下虛本於腎水真陰不足

人身以陰陽兩稱爲平偏勝則病此大較也水不足則火有餘陰旣虧則陽獨盛蓋陰陽之精互藏其宅是陰中有陽陽中有陰也故心火也而含赤液腎水也而藏白氣赤液爲陰白氣爲陽循環往復晝夜不息此常度也苟不知攝養縱恣情慾虧損真陰陽無所附因而發越上升此火空則發之義是周身之氣併於陽也併於陽則陽盛故上焦熱而嗽咳生痰迫血上行而爲吐衄爲煩躁爲頭痛爲不得眠爲胸前

骨痛爲口乾舌苦此其候也陽愈盛則陰愈虛陰愈虛則爲五心煩熱爲潮熱骨蒸爲遺精爲骨乏無力爲小水短赤丹田不煖則飲食不化爲泄瀉爲卒僵仆此其候也治之之要當亟降氣當益陰精氣降卽陽交於陰是火下降也精血生卽腎陰復是水上升也此卽旣濟之象爲坎離交也坎離交卽是小周天至此則陰陽二氣復得其平矣病何自而生哉

論陰精陽氣補益不同

經曰形不足溫之以氣人參羊肉黃耆人胞紅鉛之屬是已益陽氣也乃可以却沉寒經曰精不足補之以味人乳鼈甲地黃黃檗枸杞牛膝天門冬之屬是已補陰精也乃可以除伏熱

論治氣三法藥各不同

一補氣氣虛宜補之如人參黃芪羊肉小麥糯米之屬是也

二降氣調氣降氣者卽下氣也虛則氣升故法宜降其藥之輕者如紫蘇子橘皮麥門冬枇杷葉蘆根汁甘蔗其重者如番降香鬱金檳榔之屬調者和也逆則宜和和則調也其藥如木香沉水香白豆蔻縮砂蜜香附烏藥之屬

三破氣破者損也實則宜破如少壯人暴怒氣壅之

類然亦可斲不可久其藥如枳實青皮枳殼牽牛
之屬蓋氣分之病不出三端治之之法及所主之
藥皆不可混濫者也誤則使病轉劇世多不察故
表而出之

論治血三法藥各不同

血虛宜補之虛則發熱內熱法宜甘寒甘平酸寒酸
溫以益榮血其藥爲熟地黃白芍藥牛膝炙甘草
酸棗仁龍眼肉鹿角膠肉蓯蓉枸杞甘菊花人乳
之屬

血熱宜清之涼之熱則爲癰腫瘡癤爲鼻衄爲齒衄
爲牙齦腫爲舌上出血爲舌腫爲血崩爲赤淋爲
月事先期爲熱入血室爲赤遊丹爲眼暴赤痛法
宜酸寒苦寒鹹寒辛涼以除實熱其藥爲童便牡

丹皮赤芍藥生地黃黃芩犀角地榆茜草大小薊
黃連山梔大黃青黛天門冬玄參荆芥之屬

血瘀宜通之瘀必發熱發黃作痛作腫及作結塊癥
積法宜辛溫辛熱辛平辛寒甘溫以入血通行佐
以鹹寒乃可軟堅其藥爲當歸紅花桃仁蘇木桂
五靈脂蒲黃薑黃鬱金荆三稜延胡索花蕊石沒
藥廔蟲乾漆自然銅韭汁鼈甲童便牡礪芒硝之
屬蓋血爲榮陰也有形可見有色可察有證可審
者也病既不同藥亦各異治之之法要在合宜倘
失其宜爲厲不淺差劇之門可不謹乎

論治吐血三要

宜降氣不宜降火

氣有餘卽是火氣降則火降火降則氣不上升血
 隨氣行無溢出上竅之患矣降火必用寒涼之劑
 反傷胃氣胃氣傷則脾不能統血血愈不能歸經
 矣今之療吐血者大患有二一則專用寒涼之味
 如芩連山梔青黛柿餅灰四物湯黃檗知母之類
 往往傷脾作泄以致不救一則專用人參肺熱還
 傷肺咳逆愈甚亦有用參而愈者此是氣虛喘嗽

氣屬陽不由陰虛火熾所致然亦百不一二也宜以白芍藥炙甘草制肝枇杷葉麥門冬薄荷橘紅貝母清肺薏苡仁懷山藥養脾韭菜番降香真蘇子下氣青蒿鼈甲銀朮胡牡丹皮地骨皮補陰清熱酸棗仁白茯神養心山茱萸枸杞子牛膝補腎此累試輒驗之方然陰無驟補之法非多服藥不效病家欲速其功醫者張皇無主百藥雜試以致殞命覆輒相尋而不悟悲矣

宜行血不宜止血

血不循經絡者氣逆上壅也失血得熱則行得寒則凝故降氣行血則血循經絡不求其止而自止矣止之則血凝血凝必發熱惡食及胸脇痛病日沉痼矣

宜養肝不宜伐肝

經曰五臟者藏精氣而不瀉者也肝爲將軍之官主藏血吐血者肝失其職也養肝則肝氣平而血有所歸伐之則肝虛不能藏血血愈不止矣

論腎泄多在黎明所由

凡人之生二五妙合之初識神依托是中卽攬父精母血以爲立命之基遂成左右兩腎腎間動氣卽道家所謂先天祖氣是也藏乎兩腎之中以腎屬水故稱坎宮以平人氣象言之此氣至子後一陽生生卽漸漸上升歷丑寅卯辰巳而六陽巳極則入離宮午後一陰生卽白氣變爲赤液漸漸降下至坎宮復爲白氣晝夜循環升降不息此卽醫家所謂真陽之火道家謂之君火卽先天祖氣醫家謂爲相火者是也

方此火之自下而上也行過中焦必經脾胃則能腐
熟水穀蒸糟粕而化精微脾氣散精上歸於肺通調
水道下輸膀胱氣化而出是謂清升濁降卽旣濟之
象也苟不慎攝生之道不明止性之理則必務快其
心逆於生樂憂患以傷心寒熱以傷肺饑飽以傷脾
多怒以傷肝多慾以傷腎則真氣漸衰精神日損馴
至子後一陽不以時生不能上升腐熟水穀則糟粕
無由而化寅爲三陽之候陽氣微則不能應候而化
物故天黎明而泄其泄亦溏俗名鴨溏是謂腎泄亦
名火瘦泄昔人以四神丸治之予加人參蓮肉輒獲
竒效蓋人參補五臟之陽氣故也

論少年人陽痿因於失志不宜補陽

經曰腎爲作強之官技巧出焉藏精與志者也夫志從士從心志主決定心主思維思維則或遷或改決定則一立不移此作強之驗也苟志意不遂則陽氣不舒陽氣者卽真火也譬夫極盛之火置之密器之中閉悶其氣使不得發越則火立死而寒矣此非真火衰也乃悶鬱之過也宜其抑鬱通其志意則陽氣立舒而其痿立起矣若誤謂陽精不足過投補火之劑多致癰疽而歿可不戒哉

論似中風與真中風治法迥別誤則殺人

凡言中風有真假內外之別差之毫釐謬以千里何者西北土地高寒風氣剛烈真氣空虛之人猝爲所中中臟者死中腑者成廢人中經絡者可調理而瘳治之之道先以解散風邪爲急次則補養氣血此治真中外來風邪之法也其藥以小續命湯桂枝麻黃生熟附子羌獨活防風白芷南星甘草之屬爲本若夫大江以南之東西兩浙七閩八粵兩川滇南鬼方荆楊梁三州之域天地之風氣旣殊人之所稟亦異

其地絕無剛猛之風而多濕熱之氣質多柔脆往往多熱多痰真陰既虧內熱彌甚煎熬津液凝結為痰壅塞氣道不得通利熱極生風亦致猝然僵仆類中風證或不省人事或語言蹇澁或口眼歪斜或半身不遂其將發也外必先顯內熱之候或口乾舌苦或大便閉澀小便短赤此其驗也劉河間所謂此證全是將息失宜水不制火丹溪所謂濕熱相火中痰中氣是也此即內虛暗風確係陰陽兩虛而陰虛者為多與外來風邪迥別法當清熱順氣開痰以救其標

次當治本陰虛則益血陽虛則補氣氣血兩虛則氣血兼補久之自瘳設若誤用治真中風藥如前辛熱風燥之劑則輕變為重重則必死禍福反掌不可不察也

初清熱則 天門冬 麥門冬 甘菊花 白芍藥

白茯苓 括蕒根 童便

順氣則 紫蘇子 枇杷葉 橘紅 鬱金

開痰則 貝母 白芥子 竹瀝 荆瀝

括蕒仁 霞天膏

次治本益陰則 天門冬 甘菊花 懷生地

當歸身 白芍藥 枸杞子 麥門冬 五味子

牛膝 人乳 白膠 黃檗 白蒺藜

之屬

補陽則 人參 黃耆 鹿茸 大棗

巴戟天之屬與時消息則因乎證

似中風問答

或問有患似中風證眠不竟夕而易惺心脉弦而不
洪多怒肝脉弦而不長語言蹇澀不利多痰聲重小
便疾速不能忍且有餘瀝大便燥結左尺脉浮洪飲
食少不易消此何以故答曰眠不竟夕而易惺者心
血不足也故其脉弦而不洪東垣云胃虛者多怒多
怒者肝氣必不和經曰怒則氣上逆加以久病多鬱
故益易怒故肝脉亦弦而不長弦為血少此非以智
慧觀察以慈忍靜定之力和之未可以藥石瘳也腎

屬水冬脉沉故曰諸浮者腎不足也腎主五液又主
二便腎家有火則真陰日虧津液日少不能榮養於
舌絡舌絡勁急故語言不利火性急速故小便疾出
而不能忍且有餘瀝而大便亦多燥結也故其脉應
沉實而反浮洪失常候也肺者五臟之華蓋位乎上
象天而屬金喜清肅而惡煩熱熱則津液乾枯無以
下滴而通水道或煎熬濃稠而成痰矣肺熱則人參
反助邪熱而傷心故往往聲重多痰壅塞氣道而升
降不利也脾爲土臟胃爲之腑乃後天元氣之所自

出胃主納脾主消脾陰虧則不能消胃氣弱則不能
納飲食少則後天元氣無自而生精血坐是日益不
足也經曰損其脾者調其飲食節其起居適其寒溫
此至論也不如是則不足以復脾陰然其要又在戒
暴怒使肝無不平之氣肝和則不賊脾土矣命門者
火臟也乃先天真陽之氣之所寄卽道家所謂先天
祖氣醫家所謂真火是也其壯也有三一者元稟過
厚二者保養精氣不妄施洩三者志氣無所拂鬱則
年雖邁而猶壯也不爾則子後一陽不生不能上升

熏蒸糟粕而化精微以滋後天之元氣是火不生土而脾胃因之日弱也法當降氣和肝滋腎氣降是陽交於陰也肝和則脾胃不被賊邪所干故能納而能消也脾胃無恙則後天之元氣日益生長矣腎滋足則真陰自生津液自足舌絡有所榮養則舌之伸縮自由而言語自利矣且世無不陰虛而中風者第須撥去煩惱一切放下使心火不炎則腎亦因之而不燥此又治之之本也

論痰飲藥宜分治

夫痰之生也其由非一其爲治也藥亦不同由於陰虛火炎上迫乎肺肺氣熱則煎熬津液凝結爲痰是爲陰虛痰火病在乎肺而本乎腎治宜降氣清熱益陰滋水法忌辛燥熱補氣等藥由於脾胃寒濕生痰或兼飲噉過度好食油麵猪脂以致脾氣不利壅滯爲痰濃厚膠固甚至流於經絡及皮裡膜外或結爲大塊或不思食或徹夜不眠或卒爾眩仆不知人事或發癲癩或昔肥今瘦或叫呼異常或身重腹脹不

便行走或泄瀉不止及成癱瘓種種怪證皆痰所爲
故昔人云怪病多屬痰暴病多屬火有以夫此病在
脾胃無關肺腎治宜燥脾行氣散結軟堅法忌滯泥
苦寒濕潤等藥及諸厚味由於風寒鬱閉熱氣在肺
而成痰嗽齁喘病亦在肺治宜於豁痰除肺熱藥中
加辛熱辛溫如 麻黃 生薑之屬以散外寒則藥
無忌格之患法忌溫補酸收等藥病因不齊藥亦宜
異利潤利燥及利發散各有攸當非可混施也世以
痰飲混稱藥亦混投殊不知痰之與飲其由自別其

狀亦殊痰質稠黏飲惟清水特其色有異或青或黃
或綠或黑或如酸漿或伏於腸胃或上支胸脇刺痛
難忍或流於經絡四肢則關節不利支飲上攻爲心
痛爲中脘痛甚則汗出爲嘔吐酸水苦黃水等種種
各異或發寒熱不思飲食及不得眠皆其候也此證
多因酒後過飲茶湯則水漿與腸胃飲食濕熱之氣
凝而爲飲或因情抱抑鬱飲食停滯不得以時消散
亦能成飲總之必由膽胃有濕或脾胃本虛又感飲
食之濕則停而不消此飲之大畧也治宜燥濕利水

續神農本草經 卷之一
行氣健脾乃爲得也其藥大都以 半夏 茯苓
參 朮爲君佐以猪苓 澤瀉以滲洩之 白苳寇
橘皮以開散之 蘇梗 旋覆花以通暢之東垣
五飲丸中有人參其旨槩可見矣

論瘧痢宜從六淫例治

風寒暑濕燥火此天之六淫其邪自外而入感之而
病宜隨其邪之所在以攻治之經曰夏傷於暑秋必
痲瘧是瘧乃暑邪爲病也雖有山嵐瘴氣發瘧一證
治稍不同然其病大都熱多寒少或單熱不寒或單
寒不熱頭痛骨疼大渴引飲口苦舌乾嘔吐不思食
或煩躁不得眠必用白虎湯二三劑隨證增損解表
以却暑邪而後隨經消息以除其苦可也滯下者俗
呼爲痢疾皆緣暑濕與飲食之積滯膠固而成其證

類多裡急後重數登圜而不便或發熱或口渴或惡
心不思食何莫非暑之標證也用六一散黃連芍藥
爲主而後隨其所苦爲之增損傷氣分則調氣益氣
傷血分則行血和血然未有不先治暑而可獲效者
矣治病必求其本其斯之謂歟

論病由七情生者祇應養性怡神發舒志氣以
解之不宜全仗藥石攻治

夫喜怒憂思悲恐驚七者皆發於情者也情卽神識
有知不定無跡可尋觸境乃發滯而難通藥石無知
焉能消其妄執縱通其已滯之氣活其已傷之血其
默默綿綿之意物而不化者能保無將來復結之病
乎祇宜以識遣識以理遣情此卽心病還將心藥醫
之謂也如是庶可使滯者通結者化情與境離不爲
所轉當處寂然心君泰定其何七情之爲累哉

論傷寒瘟疫癰疽痘疹瘧疾諸病皆由實邪所

發自裏發出於表者吉由表陷入於裏者凶

傷寒瘟疫初發邪在於表必頭疼身熱病屬三陽卽於此時急表散之冬月卽病宜用辛溫辛熱以汗之春溫夏熱宜用辛涼辛寒甘寒以汗之若汗後身涼脉靜無所傷犯病不復作而愈如投藥濡滯或病重藥輕不散之於表卽邪熱內結病屬三陰須下乃愈內虛之人不勝下藥多致危殆又有少陰咽痛等證則又不宜於下或成狐惑蟲食肛門種種難治之條

皆失於不早散故也癰疽皆由榮家實熱氣逆所結
急宜涼血活血散結解毒大劑連進內外夾攻務使
消散卽勢大毒盛一時不能散盡亦必十消七八縱
使潰膿保無大害若失於救治便熱毒內攻其膜必
壞膜壞則神人不能救矣痘瘡之害多在血熱解於
一二日內者十全八九若遲則熱毒內攻陷入於裏
腸胃當之必致大便作泄乳食不化或神昏悶亂便
閉腹脹則十不救一除是稟受虛寒方堪補托濟以
溫熱可救危急若夫疹家便須速用辛寒甘寒苦寒

之劑清涼發散十不失一假令病重藥輕或治療後
期或誤投溫熱則邪熱內攻煩燥悶亂不可救藥矣
瘧本暑邪法當解表若元氣先虛之人脾胃薄弱誤
投破氣消食克伐之藥則中氣愈虛邪反內陷必便
膿血治或失宜多成腹脹馴至不救往往而是此之
四證皆須急治要以自裏達表者吉自表陷裏者凶
故藥宜解散通利最忌收澁破氣及諸溫補其關乎
死生者最大故特表而出之俾世人知所先務也

祝醫五則

凡人疾病皆由多生不惜衆生身命竭用人力好殺
鳥獸昆蟲好箠楚下賤甚則枉用毒刑加諸無罪種
種業因感此苦報業作醫師爲人司命見諸苦惱當
興悲憫詳檢方書精求藥道諦察深思務期協中常
自思惟藥不對病病不對機二旨或乖則下咽不返
人命至重冥報難逃勿謂一時衣食自貽莫懺之罪
於千百劫戒之哉宜懼不宜喜也凡爲醫師當先讀
書凡欲讀書當先識字字者文之始也不識字義寧

解文理文理不通動成窒礙雖詩書滿目於神不染
觸途成滯何由省入譬諸面牆亦同木偶望其拯生
民之疾苦顧不難哉故昔稱太醫今日儒醫太醫者
通天地人者也儒醫者讀書窮理本之身心驗之事
物戰戰兢兢求中於道造次之際罔敢或肆者也外
此則俗工耳不可以言醫矣

凡爲醫師當先識藥藥之所產方隅不同則精粗頓
異收采不時則力用全乖又或市肆飾僞足以混真
苟非確認形質精嘗氣味鮮有不爲其誤者譬諸將
不知兵立功何自醫之於藥亦猶是耳既識藥矣宜
習修事雷公炮炙固爲大法或有未盡可以意通必
期躬親勿圖苟且譬諸飲食烹調失度尚不益人反
能增害何況藥物關乎軀命者耶可不慎諸

凡作醫師宜先虛懷靈知空洞本無一物苟執我見
便與物對我見堅固勢必輕人我是人非與境角立
一靈虛竅動爲所塞雖日親至人終不獲益白首故
吾良可悲已執而不化害加於人清夜深思宜生愧
恥况人之才識自非生知必假問學問學之益廣博

難量脫不虛懷何由納受不恥無學而恥下問師心
自聖於道何益苟非至愚能不儆省乎

醫師不患道術不精而患取金不多舍其本業專事
旁求假寵貴人冀其口脔以希世重縱得多金無拔
苦力於當來世豈不酌償作是思惟是苦非樂故當
勤求道術以濟物命縱有功效任其自酌勿責厚報
等心施治勿輕貧賤如此則德植厥躬鬼神幽贊矣
上來所祝五條皆關切醫師才品道術利濟功過
仰願來學俯從吾祝則進乎道而不囿於技矣詎

非生人之至幸醫道之大光也哉

續序例題後

夫醫之爲道也上明天地之氣機次達人身之感應
次審病本之盈虛次別藥性之宜忌次究古法之精
微之五者一一體驗洞然無惑始可以言醫矣苟非
高明之資沉潛之性須以歲月講求不厭未易見其
成功也予每見世之醫師好治病而不好問學往往
臨證輒窮坐視人斃意甚憫之故于暇日作續序例
以存大法俾世之言醫者游神是編務求所以克明
原本不少疑貳其於天枉庶幾免乎若徒記誦以資

口給蓄積衆說而中無所主是謂食不消茲病非藥
可治則非予過也因書之篇末以詔方來惟憫物者
留意焉

繆仲淳先生續序例下

卷之二目次

陰陽表裏虛實門

陽虛

陰虛

表虛

裏虛

陽實

陰實

外感內傷

陽厥

陰厥

上盛下虛屬陽盛陰虛

五臟六腑虛實門

心虛

驚邪

癩癩

不得眠

好眠附

心煩

怔忡

心澹澹動

盜汗

伏梁

肝虛

因鬱

胸脇痛

轉筋

目光短

目昏 目翳 亡血過多角弓反張

少腹連陰作痛 偏頭痛 目眩暈 肥氣

脾虛 飲食勞倦 飲食不消 傷食

停飲 水腫 中滿晝劇夜靜 夜劇晝靜 噎膈

脾泄 健忘 倦怠嗜臥

脾虛腹痛 痞氣

肺虛 齁喘 咳嗽 聲啞

咽喉燥痛 肺痿 龜胸 息賁

腎虛 腰痛 骨乏無力 骨蒸潮熱

傳屍勞 五心煩熱 夢遺泄精

小便短瀉 溺有餘瀝 溺血血淋

傷精白濁 五淋 精塞水竅

齒浮真牙搖動及下齦軟或齒衄

下消 善恐 陰竅漏氣 疝 奔豚

命門虛 陰痿 精塞精薄 腎泄

畏寒足冷

小腸虛 遺尿

膽虛 易驚 病後不得眠

胃虛 胃弱不納食及不思飲食 嘔吐

霍亂 絞腸烏痧脹 轉筋

中惡腹中疝痛 反胃 中酒

大腸虛 虛熱便閉 虛寒滑泄 腸鳴

脫肛

膀胱虛 小便不禁 遺尿 見小腸虛 膀胱氣

三焦虛 腹寒 短氣少氣

心實 讖語 舌破 煩躁 自咲 發狂

肝實 善怒 善太息忽忽不樂

脇痛嘔血 發搐 目赤腫痛

脾實 易饑 口唇生瘡 口糜 中消

濕熱腹痛

肺實 喘急 氣壅 聲重痰稠 肺癰

肺脹悶 吐膿血血痰咳嗽血 喉癰

上消

命門實 強陽不倒 水竅瀦痛

小腸實 小水不利及赤或瀦痛尿血

膽實 口苦耳聾脇痛往來寒熱 鼻淵

胃實 讖語發狂發班棄衣而走登高而歌

口臭數欲飲食 嘈雜 口淡 嘔吐

吞酸

大腸實 便鞭閉 腸風下血 臙毒 腸癰

膀胱實 癃閉

三焦實 喉痺 頭面赤熱 赤白遊風

續神農本經序例下 卷之二

東吳繆希雍仲淳甫著 西吳後學 朱鼎祚仲長甫

病忌應病分門所宜

陰陽表裏虛實門

陽虛 即真氣虛 其證惡寒或發熱自汗汗多亡陽陽虛

不發熱單寒者居多

忌破氣 降泄 利水 苦寒 又忌辛熱發

散 諸藥如左

青皮 枳殼 枳實 厚朴 牽牛

檳榔 以上破氣 大黃 石膏 山梔 知母

天門冬 括婁 生地黃 以上降泄 澤瀉

木通 瞿麥 葶藶 猪苓 滑石

以上利水 海金沙 商陸 黃芩 黃連

黃檗 玄參 槐花 以上苦寒 吳茱萸 麻黃

羌活 獨活 前胡 防風 荆芥

以上辛熱發散

宜補斂 甘酸 溫 諸藥如左

人參 紅鉛 黃耆 炙甘草 二朮

當歸 桂 附子 仙茅 鹿茸

鹿角膠 淫羊藿 巴戟天 大蘘香 人胞

補骨脂 陽起石 羊肉 麻雀肉

陰虛 即精血虛 其證為咳嗽多痰吐血咯血嗽血鼻衄

齒衄 盜汗自汗發熱寒熱潮熱骨乏無力不

眠氣急腰痛

忌補氣 復忌破氣 燥熱辛溫 又忌大寒

大苦傷胃 并升提發散 利水 諸藥如左

人參 黃耆 二朮 人胞 以上補氣 青皮

枳殼 枳實 厚朴 牽牛 以上破氣 麻黃

南星 半夏 附子 官桂 桂枝

乾薑 硫黃 陽起石 海狗腎 天雄

烏藥 生薑 以上燥 山梔 黃芩

黃連 傷胃 大黃 芒硝 玄明粉 以上大寒 防風

以上升 升麻 柴胡 羌獨活 澤瀉 滑石

木通 海金沙 烏柏根皮 商陸

扁蓄 漢防已 以上利水 猪苓 澤瀉

宜生津補血 欬 酸寒 甘寒 甘平 鹹寒

略兼苦寒 甘溫 諸藥如左 沙參 天門冬 枸杞子 牛膝

地黃 地骨皮 瀉白堊 山茱萸

麥門冬 黃檗 知母 玄參 青蒿

童便 白芍藥 鱉甲 人乳 阿膠

五味子 麋角膠 薯蕷 牡丹皮 續斷

石斛 桑白皮 車前子 人參

栝子仁

表虛

禁汗

其證自汗惡風洒淅寒熱喜就溫煖脉

浮無力

忌破氣

升發

辛熱

諸藥如左

青皮

枳殼

枳實

厚朴

檳榔

牽牛

以上破氣

麻黃

升麻

防風

柴胡

羌獨活

前胡

乾葛

紫蘇

薄荷

生薑

荆芥

以上升發

吳茱萸

乾薑

以上辛熱

宜補斂

益氣

實表

甘酸

諸藥如左

人參

黃芪

桂枝

白芍藥

甘草

五味子

裏虛

禁下

其證洞泄或完穀不化心腹痛按之即
止或腹脹或傷寒下後痞滿

忌破氣

下

苦寒

諸藥如左

青皮

枳殼

枳實

厚朴

檳榔

牽牛

以上破氣

大黃

芒硝

巴豆

玄明粉

以上以下

黃芩

黃連

山梔

知母

黃檗

天門冬

薑黃

以上苦寒

宜溫補

甘

佐以辛熱

諸藥如左

人參

肉桂

附子

乾薑

大棗

糯米

陽實

即表邪熱盛

其證頭痛寒熱遍身骨痛無汗

忌補飲

下大熱

諸藥如左

黃芪

人參

二朮

桂枝

芍藥

五味子

猪羊犬肉

胡椒

蒜

米麪食

醋以上補飲

大黃

芒硝

牽牛

巴苳

玄明粉

枳榔

枳實

以上下

附子

乾薑

吳茱萸

以上大熱

宜辛寒

發散

天寒畧加辛熱

辛溫佐之

諸藥如左

石膏 知母 麥門冬 葛根 荆芥

前胡 柴胡 黃芩 羌活 紫蘇

薄荷 升麻 防風 葱白 麻黃

冬月卽病者可
用春夏去之

陰實

卽裏實

外感證屬邪熱內結者 其證胸腹鞭

痛手不可近大便七八日不行或挾熱下痢

忌汗辛溫 發散 諸藥如左

麻黃 桂枝 升麻 防風 柴胡

羌獨活 前胡 乾葛 紫蘇 薄荷

生姜 荆芥 白芷 吳茱萸 以上汗
辛溫發

散

諸藥如左

宜下苦寒 鹹寒 甘辛

大黃 厚朴 枳實 滑石 山梔

荳豉 芒硝 桃仁

內傷證屬陽氣下陷於陰分者 其證發熱倦
怠嗜臥不任勞煩及不喜食食亦不甘味或不

消

忌破氣 發散 下 諸藥如左

青皮 枳實 枳殼 厚朴 牽牛

檳榔以上破氣 麻黃 防風 羌獨活 前胡

紫蘇 藿香 生薑 荆芥

吳茱萸以上發散 大黃 芒硝 巴豆

玄明粉 以上下

宜升補 甘溫 諸藥如左

升麻 柴胡 人參 黃耆 白朮

炙甘草

陽厥

厥即熱

其證四肢厥逆身熱面赤唇燥大渴口乾舌苦目閉或不閉小便赤濇短少大便燥結不省人事

忌升

發散

補斂

燥熱

辛溫

諸藥如左

升麻

柴胡

川芎

以上升

麻黃

防風

荆芥

紫蘇

薄荷

柴胡

羌獨

活

生薑

以上發散

黃耆

人參

二朮

桂枝

芍藥

五味子

醋

猪羊

犬肉

米麪食

以上補斂

半夏

南星

附子 官桂 猪苓 澤瀉 乾薑

硫黃 陽起石 海狗腎 吳茱萸 天雄

烏頭 火酒 胡椒 以上燥熱辛溫

宜下 清熱 甘寒 苦寒 鹹寒 諸藥如左

大黃 石膏 黃芩 黃連 山梔

知母 芒硝 童便 牛膝 竹瀝

麥門冬 生地黃

如煩人熱入血室因而厥者藥中以童便為君加

赤芍藥生地黃牡丹皮桃仁甚者大便結燥加芒硝大黃

陰厥 即寒厥 其證四肢厥逆身冷面青踈臥于指爪

青黯腹痛大便澹或完穀不化小便自利不渴

不省人事

忌下 破氣 苦寒 鹹寒 諸藥如左

大黃 芒硝 玄明粉 巴豆 牽牛

以上下 青皮 枳殼 枳實 厚朴

檳榔 以上破氣 黃芩 黃連 山梔 知母

黃檗 天門冬 薑黃 以上苦寒 食鹽 太陰

玄精石 童便 以上鹹寒 芍藥 醋 以上酸寒

宜補氣 温中 甘温 辛熱

諸藥如左

人參

乾姜

附子

桂枝

上盛下虛 屬陽盛陰虛

忌升散

復忌下

助陽

補氣

復忌破氣

燥熱辛温

諸藥如左

升麻

柴胡

前胡

防風

荆芥

紫蘇

羌獨活

以上升散

大黃

芒硝

巴豆

檳榔

牽牛

玄明粉

以下

附子

天雄

海狗腎

陽起石

硫黃

肉桂

鹿茸

紅鉛

仙茅

以上助陽

人參

黃芪

二朮

人胞

以上補氣

青皮

枳實

枳殼 厚朴 大黃以上破氣 半夏 南星

猪苓 澤瀉 木通 海金沙 桂枝

乾薑 生薑 麻黃 烏藥

吳茱萸 硫黃 火酒以上燥熱辛温

宜降 益陰 甘寒 酸寒 佐以鹹寒 苦寒

諸藥如左

蘇子 枇杷葉 天門冬 麥門冬 牛膝

白芍藥 生地黃 五味子 枸杞子 黃蘗

山茱萸 沙參 玄參 童便

五臟六腑虛實門

心虛

忌升散 苦寒 辛燥 破氣 諸藥如左

升麻 柴胡 細辛 川芎 防風

以上升散 山梔 黃連 黃芩 茗以上

苦寒 乾薑 吳茱萸 生薑 姜黃

半夏 南星以上辛燥 青皮 枳實 枳殼

厚朴 檳榔 牽牛以上破氣

宜補血 酸斂 佐以鹹寒 諸藥如左

生地黃 龍眼肉 五味子 人參 茯苓

石斛 酸棗仁 石菖蒲 栝子仁 丹參

茯神 遠志 丹砂 甘草 炒鹽

驚邪 屬心氣虛

忌升破氣 諸藥如左

升麻 柴胡 細辛 芎藭 撫芎

藁本 葛根 防風 羌獨活 以上升

破氣諸藥同上

宜降 清熱 豁痰 平 經曰驚者平之 諸藥如左

犀角 人參 丹砂 牛黃 雄黃

琥珀 鬼臼 栝實 乾地黃

麥門冬 石斛 龍眼肉 桔梗

黛赭石 羚羊角 麝香 金箔 竹瀝

珍珠 甘草 遠志 酸棗仁 茯神

小草 紫苑 茯苓 龍齒 龍骨

天竺黃 紫石英 沙參 燈心草 白微

菴砂蜜

癩癩 屬心氣虛

忌補歛 升 諸藥如左

黃耆 人參 烏梅 二朮 芍藥

五味子 桂 猪羊犬肉 蒜

醋 酒 米麩食以上補歛 升麻

柴胡 芎藭 細辛以上升

宜降 清熱 豁痰 諸藥如左

丹砂 犀角 鉛丹 金箔 神水

丹參 膽星 鬱金 明礬 牛黃

牛膽 遠志 天竺黃 鈞藤鈎 茯神

龍齒 竹瀝 貝母 龍骨角 瑋瑁

鷄子 猪羊犬等齒

不得眠 屬心血虛有熱

忌升 辛燥 熱 諸藥如左

升麻 柴胡 芎藭以上升 南星 半夏

寒而有痰宜用 乾姜 二朮 生薑以上辛燥

吳茱萸 附子 天雄以上熱

宜歛 養陰血 清熱 諸藥如左

酸棗仁 龍眼肉 丹參 芍藥 人參

氣虛

石斛

竹葉

生地黃

茯神

遠志

以上主心血虛

黃連

玄參

麥門冬

辰砂六一散

竹茹

木通

生甘草

以上主心家有熱

細辛

散邪 榆仁

石膏

滑石

好眠 附

宜通草

茶茗

沙參

蓮實

心煩

屬心家有熱

忌升

破氣

燥熱

諸藥如左

升麻

柴胡

芎藭

以上升

青皮

枳殼

枳實

厚朴

牽牛

以上破氣

檳榔

以上破氣

半夏

南星

乾薑

桂

以上燥熱

宜清熱

生津液

甘寒

甘平

辛酸

諸藥如左

參用不得眠中諸藥

竹葉

麥門冬

生甘草

知母

石斛

酸棗仁

丹參

龍眼肉

生地黃

玄參

沙參

茯神

遠志

小草

怔忡 屬心血不足

忌同心虛

宜同心虛

心澹澹動

忌同心虛

宜同心虛

盜汗 屬心血虛

汗者心之液也

忌破氣 辛散 燥 熱

諸藥如左

青皮

枳實

枳殼

厚朴

檳榔

以上破氣

生姜

芎藭

以上辛散

半夏

南星

以上燥

桂

附子

以上熱

宜補斂

清虛熱

甘酸

甘平

甘寒

苦寒

鹹寒

諸藥如左

生地黄

當歸

黃芩

黃芪

黃連

白芍藥

酸棗仁

龍眼肉

黃柏

茯神

牡蠣

五味子

伏梁 屬心經氣血虛以致邪留不去

忌破血 汗 下

諸藥如左

三稜

蓬茂

薑黃

紅藍花

桃仁

以上
破血

柴胡

前胡

升麻

防風

荆芥

生薑

吳茱萸

麻黃

以上

大黃

芒硝

巴豆

牽牛

芫花

紅牙大戟

甘遂
以上
下

宜活血 涼血

散熱通結

辛鹹

用東垣伏

梁丸治之

肝虛

忌收斂

破氣

升散

苦寒

下

諸藥如左

烏梅

五味子

芍藥

醋

黃耆

二木

以上
收斂

青皮

枳實

枳殼

厚朴

檳榔

牽牛

蓬茂

以上
破氣

升麻

柴胡

以上
升散

龍膽草

以上
苦寒

黃芩

黃連

黃柏

山梔

宜辛散

甘緩

諸藥如左

芒硝
以上
下

當歸

地黃

甘菊

甘草

胡麻

穀精草 决明子 羊牛兔肝 蒺藜

因鬱而虛者

宜 細辛 木香 决明子 牛羊兔肝

縮砂蜜 沉水香 川芎 陳皮 生薑

香附

胸脇痛 屬肝血虛 肝氣實 因而上逆

忌歛 補氣 破血 諸藥如左

五味子 烏梅 醋以上 二木 黃耆

以上 補氣 薑黃 桃仁 紅花 三稜

蓬茂 以上 破血

宜降氣 養血和肝 辛甘 平緩 諸藥如左

蘇子 鬱金 番降香 川通草 當歸

生地黄 橘皮 甘草 白芍藥 續斷

鹿角膠

轉筋 屬血虛

忌下 復忌升 燥熱 閉氣 苦寒 破氣

諸藥如左

大黃 芒硝 巴菝 牽牛 以上 升麻

柴胡 防風以上 猪苓 澤瀉 半夏

南星 附子 桂 吳茱萸 薑以上

燥熱 二木 銀杏 麩以上 山梔

黃連 黃芩以上 青皮 枳殼 厚朴

枳實 枳榔以上 破氣 諸藥如左

宜酸辛甘平 木瓜 白芍藥 當歸 牛膝 石斛

續斷 橘皮

日光短 屬肝血虛 及腎水真陰不足

忌破氣 升 燥 熱 諸藥如左

青皮 枳實 厚朴 枳殼 枳榔

以上 升麻 柴胡 芎藭 藁本

破氣 半夏 南星 二木 猪苓

澤瀉以上 官桂 附子 天雄 乾薑

硫黃 蒜 胡椒 火酒以上

宜補肝腎甘溫益血甘寒除熱 諸藥如左

甘枸杞 生地黄 甘菊花 沙苑蒺藜

穀精草 五味子 決明子 天門冬

目昏 屬血虛有熱 兼腎水真陰不足

忌同前目光短 增忌麻黃升 山梔 黃芩

上 犬肉 麝 樟腦 酒以

怒氣 房動

宜同目光短加黃檗 羚羊角 女貞實

目翳 屬肝熱 兼腎水不足

諸藥如左

忌破氣 升 燥熱 苦寒

山梔 大黃 黃芩 知母以上苦寒

光短 餘忌同目

宜補肝氣 養肝血 除肝熱 諸藥如左

甘菊花 人爪 蟬蛻 犀角 黃連

瑪瑙 石蟹 羚羊角 木賊草

穀精草 決明子 空青 石決明

生地黃 蜜蒙花 青羊膽 女真實

伏翼糞 沙苑蒺藜 珊瑚 珍珠

天龍 琥珀 丹參 馬目毒公

丹砂 貝子 兔絲子

亡血過多角弓反張 屬肝血虛有熱

忌風燥 升 破氣 下

諸藥如左

羌獨活 麻黃 防風 荆芥 白芷

半夏 南星 二木 猪苓 澤瀉

瞿麥 以上風燥 升麻 柴胡 芎藭 藁本

以上升 青皮 枳實 厚朴 枳殼

檳榔 以上破氣 大黃 芒硝 巴豆 牽牛

以上下

宜補血清熱 甘寒 甘溫 酸寒 鹹寒 辛

潤 諸藥如左

當歸 生地黃 白芍藥 炙甘草 牛膝

麥門冬 牡丹皮 甘菊花 童便

有汗加人參黃耆

少腹連陰作痛按之則止 屬足厥陰經血虛

忌同角弓反張

宜同角弓反張加 白膠

偏頭痛 屬血虛肝家有熱不急治久之必損目

忌升 燥 熱 苦寒 諸藥如左

升麻 柴胡 細辛 藁本 芎藭

以上
半夏
南星
白芷
防風

荆芥
羌獨活
天麻
二木以上燥
麻黃

桂枝
附子
烏頭
天雄
乾薑

以上
山梔
黃芩
黃連
大黃

以上
苦寒
宜養血清虛熱
甘寒
酸寒
辛熱
諸藥如左

生地黃
天門冬
甘菊
白芍藥
當歸

烏梅
炙甘草
土茯苓
黑薑

有實火者可加
酒炒黃芩
酒蒸大黃
芎

翦
雨前茶
石膏

目黑暗眩暈
屬血虛
兼腎水真陰不足

忌破氣
燥
熱
辛溫
諸藥如左

青皮
枳殼
厚朴
枳實
牽牛

檳榔以上破氣
半夏
南星
二木以上燥
官桂

附子
天雄
硫黃
火酒
蒜以上

乾薑
生薑
桂枝

吳茱萸以上辛溫

宜養血和肝
清熱
甘寒
甘平
酸寒
苦

寒

諸藥如左

生地黄

枸杞子

甘菊花

天門冬

黃檗

當歸

薯蕷

五味子

白茯苓

甘草

山茱萸

肥氣

屬氣血兩虛肝氣不和逆氣與瘀血相併

而成

忌破氣

下

苦寒

諸藥如左

青皮

枳殼

枳實

檳榔

薑黃

厚朴

以上破氣

大黃

芒硝

巴豆

牽牛

以上

山梔

黃芩

黃連

知母

以下

以上

宜和肝散結氣

兼行氣血凝滯

甘溫

甘平

用東垣肥氣丸治之

脾虛

忌下 降泄 大忌破氣 苦寒 復忌燥
諸藥如左

大黃

山梔

知母

巴豆

牽牛

薑黃

芒硝

青礞石

烏柏根皮

商陸 以上

天門冬

山梔

知母

括婁

石膏

滑石

葶藶

瞿麥

生地黃

以上
降泄

青皮

枳實

枳殼

厚朴

檳榔

三稜

蓬茂

以上
破氣

黃芩

黃連 黃檗 槐花以上苦寒 半夏 南星

猪苓 澤瀉 木通以上燥

宜甘温 甘辛 諸藥如左

人參 大棗 酸棗仁 白芍藥 薯蕷

炙甘草 蓮肉 白茯苓 白朮

佐以縮砂蜜橘紅白荳蔻

飲食勞倦傷脾發熱

忌破氣 下 苦寒 發散 諸藥如左

青皮 枳殼 枳實 檳榔 厚朴

蓬茂以上破氣 芒硝 大黃 牽牛 巴豆

玄明粉以上下 山梔 知母 黃芩

黃連 黃檗以上苦寒 羌獨活 前胡 麻黃

桂枝 防風 荆芥 白芷 乾葛

以上發散

宜補中益氣 甘温 酸 升 諸藥如左

人參 黃芪 朮 炙甘草 大棗

柴胡 升麻 石斛 麥門冬 橘紅

白芍藥 酸棗仁

飲食不消化 屬脾氣虛

忌破氣 消導剋伐 苦寒 復忌燥 諸藥如左

草菓 草荳蔻 楨榔 蓬茂 綠礬

以上 消導 餘忌同脾虛

宜益真氣 宜香 甘温 甘辛 諸藥如左

同脾虛 加縮砂蜜 橘紅 穀蘖 麥蘖

肉荳蔻

傷食必惡食

忌潤濕 苦寒 諸藥如左

當歸 肉蓯蓉 瑣陽 天門冬 地黃

知母 玄參 猪脂 茄子 酒

糟 麪食 以上 潤濕 山梔 黃芩 黃連

黃檗 以上 苦寒

宜健脾消導 諸藥如左

白茯苓 薯蕷 蓮肉 白扁荳

白芍藥 橘皮 草果 山查 麥芽

草荳蔻 縮砂蜜 穀蘖

甚者下之 枳實 楨榔 厚朴 大黃

元氣虛人不可下 宜加參 朮

停飲 為恣湯水或冷茶冷酒所致

諸藥如左

忌下 酸飲 濕潤 滯膩

大黃 芒硝 巴豆 牽牛 玄明

粉以上 烏梅 五味子 醋以上 當歸

生地黃 肉蓯蓉 知母 酒 糟

桃仁 括婁仁 括婁根 郁李仁以上

猪脂 麩食以上 兼辛散 諸藥如左

宜健脾利水 淡滲

白茯苓 白朮 澤瀉 猪苓 桑白

皮 半夏 旋覆花 木通 紫蘇

人參 橘皮

水腫 屬脾氣虛

忌破氣 下泄 濕潤 鹹 苦寒 諸藥如左

青皮 枳殼 枳實 厚朴 檳榔

三稜 蓬茂以上 大黃 芒硝 當歸

地黃 肉蓯蓉 天門冬 知母 麩

酒以上 食鹽 商陸以上 山梔 黃芩

黃連

黃檗

以上苦寒

宜補脾益氣

燥濕

兼利水

辛香

甘溫

佐以淡滲

諸藥如左

人參

白芍藥

白茯苓

二朮

麥門冬

木瓜

桑白皮

石斛

赤小

豈

葫

香薷

烏蠡魚

車前

子

猪苓

澤瀉

姜皮

烏芋

縮砂蜜

穀蘖

通草

薏苡仁

五味

子

薯蕷

脾虛中滿

屬脾氣虛兼脾陰虛

忌破氣

下

消導

專利水

甘

諸藥如左

青皮

枳殼

枳實

厚朴

檳榔

三稜

薑黃

蓬茂

以上破氣

大黃

芒硝

巴豆

玄明粉

牽牛

商陸

以上下

草蓂

草薹菹

逢茂綠礬

以上消導

烏桕樹皮

瞿麥

扁蓄

猪苓

澤瀉

木通

滑石

海金沙

以上利水

大棗

甘草

以上

晝劇夜靜屬脾氣虛者

宜補氣健脾 甘温 淡滲 佐以辛香 諸藥如左

人參 二朮 白芍藥 桑白皮 茯苓

車前子 橘紅 薑皮 藿香

縮砂蜜 無熱證者佐以桂

為陽氣不足兼忌 芩 連 黃蘗 山梔 知

母

夜劇晝靜屬脾陰虛者

宜補脾陰 兼制肝清熱 甘平 酸寒淡滲

諸藥如左

白芍藥 酸棗仁 石斛 茯苓 橘皮

蘇子 木瓜 桑白皮 車前子 五味

子 薯蕷 為陰血不足兼忌 參

木

噎膈 屬氣血兩虛 由于血液衰少而非痰氣壅逆所成

忌破氣 升 復忌下 消導 燥 苦寒

辛熱 諸藥如左

青皮 枳殼 枳實 砂仁 厚朴

香附 枳榔 以上破氣 升麻 柴胡 以上 大黃

芒硝 蘆薈 牛黃 巴莖 牽牛

玄明粉以上下 草果 草莖蔻 蓬茂

綠礬以上消導 半夏 南星 二木 皂角

以上燥 山梔 黃芩 黃連以上苦寒 官桂

附子 硫黃 吳茱萸 丁香 丁香皮

龍腦香 藿香 乾姜以上辛熱

宜降 潤 清熱 甘溫 甘平 以益血 畧

佐辛氣以順氣 諸藥如左

人參 白芍藥 酸棗仁 蘇子 橘皮

枇杷葉 人乳 牛乳 龍眼肉 蔗漿

梨汁 韭汁 蘆根汁 佐以姜汁

白荳蔻仁

脾泄 屬氣虛

忌破氣 下 消導 苦寒 諸藥如左

山梔 黃芩 黃連 知母

天花粉 天門冬 以上苦寒

餘忌同脾虛中滿條內

宜溫中補氣 甘溫 甘平 佐以辛香 諸藥如左

人參 木 白芍藥 炙甘草 薯蕷

蓮肉 白藕莖 茯苓 車前子

佐以縮砂蜜 橘皮 木香 丁香 藿香

白萊菔

兼有濕及痰服松脂

健忘 屬氣血 兩虛

忌升 燥熱 復忌苦寒 辛散

諸藥如左

升麻 柴胡以上半夏 南星 官桂

附子 皂角 吳茱萸 姜以上黃芩

黃連 知母 玄明粉 括婁仁 天門

冬以上防風 細辛 荆芥 紫蘇

薄荷以上辛散

宜益血兼補氣 酸歛 甘溫 甘寒 甘平

諸藥如左

酸棗仁 茯苓 茯神 龍眼肉 遠志

人參 栝子仁 丹參 五味子 黃耆

白芍藥 炙甘草 麥門冬 石菖蒲

倦怠嗜臥 蜀脾氣不足 忌破氣 消導 苦寒 諸藥如左

青皮

枳實

枳殼

檳榔

厚朴

三稜

蓬茂

薑黃

以上破氣

草菓

綠礬

麥蘖

草荳蔻

以上消導

山梔

知母

黃芩

黃連

玄明粉

天花粉

天門冬

以上苦寒

宜補氣

兼健脾

甘溫

辛香

諸藥如左

人參

白朮

黃耆

茯苓

薯蕷

炙甘草

穀蘖

白扁荳

縮砂蜜

麥蘖

橘皮

藿香

白荳蔻

脾虛腹痛

按之則止屬血虛

忌破氣

破血

香燥

苦寒

諸藥如左

青皮

枳殼

枳實

厚朴

檳榔

牽牛

以上破氣

桃仁

紅花

姜黃

以上破血

木香

沉水香

香附

荳蔻

以上香燥

山梔

知母

黃芩

黃連

天花粉

天門冬

以上苦寒

宜甘溫

益氣

酸平

益血

諸藥如左

白芍藥

人參

炙甘草

酸棗仁

石斛

龍眼肉

麥門冬

痞氣 屬脾氣虛及氣鬱所致

忌破氣 下 濕潤 苦寒

諸藥如左

青皮

枳殼

枳實

厚朴

檳榔

三稜

蓬茂

川芎

升麻

桃仁

柴胡

姜黃 以上 破氣 大黃

芒硝

巴豆

牽牛

商陸

玄明粉 以上 下

地黃

當歸

麩

肉蓯蓉

天門冬 以上 濕潤

山梔

知母

黃芩

黃連

黃蘗

天花粉

槐花 以上 苦寒

宜健脾

兼散結滯

甘溫

甘辛

諸藥如左

人參

白芍藥

橘紅

縮砂蜜

藿香

吳茱萸

穀蘖

麥蘖

紅麴

香附

木香

兼用東垣痞氣丸治之

肺虛

忌補氣

升散

辛燥

溫熱

諸藥如左

人參

黃耆

以上補氣

麻黃

紫蘇

前胡

升麻

柴胡

以上升散

半夏

南星

二朮

以上辛燥

官桂

附子

天雄

胡椒

蒜

以上溫熱

宜清熱

降氣

酸斂

潤燥

諸藥如左

天門冬

麥門冬

貝母

百部

百合

桑白皮

蘇子

枇杷葉

五味子

杏仁

五倍子 蜜 梨 柿

肺虛無熱有寒者宜服 五味子 乾薑 胡

桃 人參 麻黃 杏仁 白前 橘皮 紫

菀 桂心 半夏 生薑 鍾乳

齶喘 屬肺虛有熱因而痰壅

忌破氣 升 發散 收瀉 諸藥如左

青皮 枳殼 枳實 厚朴 檳榔

以上破氣 升麻 柴胡 藁本 以上 防風

羌活 獨活 麻黃 以上發散 訶子 亞芙

蓉 粟殼 以上收瀉

宜降氣消痰 辛涼 甘寒 苦平 佐以酸飲

諸藥如左

桑白皮 蘇子 枇杷葉 貝母 百合

白前 前胡 括婁根 竹瀝 天門

冬 麥門冬 百部 薄荷 淡竹

葉 馬兜鈴 款冬花 五味子 阿膠

沙參 射干 蛤蚧 獺肝

咳嗽吐血痰 屬肺熱甚

忌升 破血 復忌補氣 破血 辛燥 温
熱 收澁 諸藥如左

升麻 柴胡 防風 以上 青皮 枳殼

枳實 厚朴 牽牛 檳榔 以上 人參

黃芪 二木 以上 補氣 桃仁 紅花 花蓋

石 姜黃 三稜 蓬朮 以上 破血 南星

半夏 以上 辛燥 乾薑 麻黃 吳茱萸 附子

肉桂 火酒 硫黃 胡椒 蒜 以上 濕

訶子 亞芙蓉 粟殼 以上 收澁

宜降氣清熱 潤肺生津液 涼血 益血 甘

寒 甘平 佐以苦寒 諸藥如左

生地黃 蒲黃 童便 側柏葉 茅根

知母 鬱金 剪草 白芨 阿膠

餘同肺虛條內參用

聲啞 屬肺熱甚

忌同咳嗽 宜同咳嗽

咽喉燥痛 屬水涸火炎肺熱之極 此證法所難治

忌同咳嗽

宜同咳嗽

肺痿 屬肺氣虛有熱

忌同肺虛

宜同肺虛

龜胸 屬肺熱有痰

忌宜俱同 齁喘咳嗽

息賁 屬肺氣虛及痰壅結所致

忌破氣 辛熱 補斂 諸藥如左

青皮 枳殼 枳實 厚朴 枳櫟

牽牛 三稜 蓬茂以上破氣 官桂 麻黃

附子 吳茱萸 乾薑以上辛熱 人參 黃耆

二朮 五味子 醋 烏梅以上補斂

并忌 猪肉 羊肉 胡椒 蒜 燒酒 凡

肺病皆須忌之

宜降氣 清熱開痰 佐以散結 諸藥畧同齁

喘用東垣息賁丸治之

腎虛 卽腎水真陰不足

忌升 破氣 辛燥 利水 溫熱 補命門相

火 諸藥如左

升麻 柴胡以上 青皮 枳殼 枳實

厚朴 檳榔 牽牛以上 半夏 南星

二木 猪苓 澤瀉 瞿麥 滑石

以上辛燥利水 生姜 乾薑 吳茱萸 附子

天雄 硫黃 官桂以上 仙茅

巴戟天 葫蘆巴 人參 補骨脂 鹿茸

人胞以上補命門相火

宜滋陰 潤 生精補血 除熱 甘寒 酸寒

苦寒 鹹寒 諸藥如左

地黃 胡桃肉 黃檗 牡丹皮 枸杞

子 五味子 人乳 肉蓯蓉 人參

有肺熱 忌之 地骨皮 柴胡 知母 石斛

牛膝 鹿茸 山茱萸 栝子仁 車前

子 青蒿子 麥門冬 薯蕷 白膠

虎頸骨 兔絲子 豉 丹參 五加

皮 竹瀝 大荳 胡麻 鼈甲

續斷 杜仲 沙苑蒺藜 菝葜

草薺 狗脊 海狗腎 補骨脂

沉水香

腎虛腰痛 屬精氣虛

忌破氣 燥 熱 諸藥如左

青皮 枳殼 枳實 厚朴 牽牛

檳榔以上破氣 半夏 南星 二朮 猪苓

澤瀉 瞿麥 滑石以上燥 附子 天雄

硫黃

官桂

仙茅

葫蘆巴

補骨脂

以上熱

宜同腎虛

骨乏無力

屬陰精不足

腎主骨故也

忌宜俱同腎虛

骨蒸潮熱

屬真陰精血虛極以致陽無所附火

空上炎

忌宜俱同腎虛

傳屍勞

忌同腎虛

宜除熱益陰

兼殺勞蟲

諸藥同腎虛加殺蟲

藥如左

鬼白

乾漆

漆葉

蘆薈

象膽

獺肝

胡黃連

兼清鎮藥

丹砂

磁石

神水

即鉛中金氣

五心煩熱

屬真陰不足

忌同腎虛

宜同腎虛加麥門冬

竹葉

竹茹

甘草

知母 童溺 藍汁 酸棗仁 牛黃

硬石膏 滑石 梔仁 茯苓 貝母

竹瀝 烏梅 鷄子 豉 蘆薈

天竺黃 胡黃連 龍齒角

夢遺泄精 屬腎虛有火

忌同腎虛

諸藥如左

宜同腎虛加酸斂 佐以瀉精

黃栢 沙苑蒺藜 蓮花藥 生甘

草 縮砂蜜 五味子 山茱萸 龍骨

覆盆子 鹿角霜 魚膠 補骨脂 蓮肉

蓮鬚 牡蠣 遠志 韭子 鹿茸

桑螵蛸 兔絲子 石斛 麥門冬

小便短瀼熱赤頻數 屬虛有火

忌宜俱同腎虛

溺有餘瀝 屬腎氣虛

忌同腎虛

宜同腎虛

以五味子 黃檗 人參 為君加兔絲子

覆盆子 為臣 益智 為佐 如覺平日肺家有熱或

咳嗽有痰者忌人參

溺血血淋 屬腎虛有火血熱

忌同腎虛 又忌 肉蓯蓉 芒硝 大黃

葶藶 當歸 芎藭

宜同腎虛 加側柏葉 阿膠 茅根

韭白 乾地黄 戎鹽 蒲黃

傷精白濁 屬房勞過度以致精傷流出似白濁

證

忌利小便 燥 辛熱 諸藥如左

猪苓 澤瀉 木通 車前子 扁蓄

黃芩 瞿麥 黃柏 麥門冬 牛膝

石韋 蒲黃 麻子 琥珀 冬瓜

滑石 以上利小便 半夏 南星 茯苓

二木 以上燥 桂 附子 天雄 乾姜

吳茱萸 以上辛熱

宜同腎虛選用

五淋 屬腎虛兼有濕熱

忌同腎虛

宜滋陰 潤 生精補血 甘寒 酸寒 鹹寒

清濕熱 諸藥如左

茯苓 車前子 石斛 萆薢 薏苡

仁 以上清 濕熱 餘同腎虛

精塞水竅不通 屬房慾不竟 或思慾不遂 或懼泄忍精

或老人氣不足 以送精外達

忌破氣 下 利小便 燥熱 諸藥如左

青皮 枳殼 枳實 厚朴 以上破氣 牽牛

巴豆 大黃 芒硝 玄明粉 以上下

澤瀉 猪苓 瞿麥 扁蓄 木通

滑石 以上利 小便 半夏 南星 二朮

桂 附子 天雄 乾薑 硫黃

葫蘆巴 以上 燥熱

宜行精 壯實人宜兼泄火 老人宜兼補氣血

外治用吮法 宜服諸藥以牛膝 為君 生地黃

當歸 為臣佐以 桃仁 紅花 車前子

齒浮真牙搖動 及下齦軟 或齒衄 屬腎虛

有熱

忌同腎虛 又忌 當歸 芎藭

宜益陰 涼血 固腎 諸藥略同腎虛 應以地

黃 黃檗 五味子 為君 桑椹 牛膝 沙苑

蒺藜 鹿茸 天門冬 為臣 龍骨 牡蠣 為使

下消 屬腎陰虛火伏下焦

忌同腎虛

宜清熱 及峻補真氣 潤 酸飲 諸藥同腎

虛 宜 黃栢 五味 生地黃 天麥冬 人參

為君 石斛 牛膝 知母 人乳 牛乳

童便 為臣 地骨皮 青蒿 側栢葉 為佐

善恐 屬腎氣虛 腎藏志故也

忌破氣 苦寒 諸藥如左

青皮 枳殼 枳實 厚朴 檳榔

牽牛 以上 山梔 大黃 黃芩 黃連

以上 苦寒

宜補氣強志 辛平 甘溫 佐以辛香 諸藥如左

人參 遠志 茯苓 鹿茸 酸棗

仁

栝子仁

石斛

佐以沉水香

陰竅漏氣

屬腎氣虛不固

腎納氣虛則不能納故見是證諸藥如左

忌破氣

降

香燥

辛熱

青皮

枳殼

枳實

厚朴

檳榔

牽牛

以上破氣

蘇子

鬱金

降香

沉水

香

補骨脂

通草

以上降

白荳蔻

木香

香附

以上香燥

生薑

桂

附子

吳茱

萸

乾薑

天雄

以上辛熱

宜補真氣

酸欬

固濟

諸藥如左

五味子

山茱萸

沙苑蒺藜

覆盆

子

枸杞子

人參

以上為君

益智

子

遠志

龍骨

牡蠣

金櫻

子

蓮鬚

為臣佐

參用腎虛條內諸藥

疝

屬腎虛寒濕邪乘虛客之所致丹溪謂與腎

經絕無相干者誤也又有先因濕邪為病後成

濕熱者藥宜分寒熱二途

忌升

破氣

苦寒

濕潤

諸藥如左

升麻

柴胡

以上升

枳殼

青皮

防已

枳實

厚朴

檳榔

牽牛

以上破氣

山梔

大黃

黃芩

黃連

以上苦寒

當歸

肉蓯

蓉

麩

天門冬

猪脂

以上濕潤

宜補氣

通腎氣

除濕

又有陰虛有熱之人

病此兼宜除熱

諸藥如左

人參

黃耆

橘核

細葉烏攏子

荔枝核

川練子

牛膝

木瓜

杜仲

草薺

巴戟天

虛寒而痛加

桂

懷香

補骨脂

仙茅

虛熱而痛加

黃蘗

車前

子

濕盛者加木

奔豚

屬腎虛

脾家濕邪下傳客腎所致

忌同疝

兼忌燥

諸藥如左

木通

半夏

猪苓

澤瀉

以上燥

宜補氣

健脾

辛溫

散結

諸藥如左

人參

薯蕷

桂

山茱萸

牛膝

懷香

蛇床子

兼用東垣賁豚丸治之

腎無實故無瀉法

命門虛 卽元陽真火不足

忌泄下 辛寒 苦寒 淡滲 發散 燥

破氣補腎水 苦寒 諸藥如左

大黃 巴豆 芒硝 石膏 山梔

以上辛寒 苦寒 猪苓 澤瀉 瞿麥 木通

以上淡滲 麻黃 紫蘇 柴胡 前胡

防風 荆芥 二朮 南星 半夏

以上燥 青皮 枳殼 枳實 厚朴

枳榔 牽牛 黃蘗 知母 生地

黃

天門冬

以上補腎水苦寒藥

宜流真陽之氣

甘温

鹹温

佐以甘熱

酸斂

脂

鹿茸

白膠

山茱萸

紅鉛諸藥

肉苁蓉

兔絲子

枸杞子

覆盆子

人參

五味子巴戟天

附子

仙茅

陽起石

陰痿

屬命門火衰下焦虛寒

忌同命門虛

宜同命門虛

加海狗腎

蛇床子

白馬陰莖

原蠶蛾

狗陰莖

雀卵

牛膝

精寒精薄

屬命門火衰陽氣不足

忌宜俱同陰痿

腎泄

即五更及黎明泄瀉者是也亦名火瘕泄

屬命門真火不足

忌同命門虛

宜益氣

甘温

酸斂

諸藥如左

人參

薯蕷

五味子

補骨脂

肉苳蔻

蓮肉

吳茱萸

砂仁

木香

畏寒足冷

忌宜俱同命門虛

小腸虛

忌破氣

辛散

燥熱

諸藥如左

青皮

枳殼

枳實

厚朴

檳榔

以上破氣

麻黃

紫蘇

柴胡

前胡

防風

荆芥

以上辛散

半夏

南星

二朮

以上燥

官桂

吳茱萸

附子

乾薑

天雄

以上熱

宜補氣

甘溫

酸溫

諸藥如左

人參

黃耆

五味子

山茱萸

麥門冬

遺尿 屬氣虛

忌同前

宜同前兼固瀉

諸藥如左

牡蠣

益智子

龍骨

金櫻子

膽虛

忌汗

吐

下

苦寒

破氣

過燥

諸藥如左

麻黃

生薑

桂枝

前胡

紫蘇

汗以上

山梔

瓜蒂

人參蘆

鹽湯

吐以上

大黃

芒硝

巴豆

牽牛

下以上

知母

黃芩

黃連

黃柏

以上苦寒

青皮

枳殼

枳實

厚朴

檳榔

以上破氣

南星

二朮

以上過燥

宜甘溫

甘平

酸斂

佐以微辛

諸藥如左

酸棗仁 白芍藥 穀精草 決明子

木賊草 甘草 竹葉 竹茹 人參

當歸

易驚 屬膽氣虛

忌破氣 升發 燥熱 諸藥如左

青皮 枳殼 枳實 厚朴 牽牛

檳榔 以上破氣 升麻 柴胡 前胡 紫蘇

麻黃 薑 桂枝 以上升發 木 南星

半夏 附子 官桂 天雄 乾薑

以上燥熱

宜補膽氣 甘溫 辛溫 酸平 諸藥如左

人參 酸棗仁 甘草 竹葉 當歸

白芍藥 竹茹 橘皮

病後不得眠 屬膽虛

忌宜俱同膽虛

胃虛

忌下

破氣

泄降苦寒

燥

熱

諸藥如左

大黃

芒硝

巴豆

牽牛

玄明

粉以上

青皮

枳殼

枳實

檳榔

厚朴

薑黃

以上破氣

山梔

黃芩

黃連

黃檗

知母

天門冬

括婁仁

括婁

根

百部

槐花

茗

以上泄降苦寒

羌獨活

漢防已

半夏

南星

防風

猪苓

澤瀉

以上燥

天雄

附子

桂

麻黃以上熱

宜益氣 甘淡 甘平 酸

諸藥如左

人參 白茯苓 石斛 木瓜 麥門

冬 橘皮 白朮 白扁豆

兼寒加 生薑 白荳蔻 縮砂蜜

兼熱加 竹茹 枇杷葉 薏苡仁 蓮肉

蘆根 蔗漿

胃弱不納食及不思飲食

忌同前

宜同前仍分寒熱治

由於熱者 橘皮 麥門冬 鉛丹 竹葉

竹茹 枇杷葉 木瓜

由於虛寒 厚朴 人參 半夏 生薑

碓白 白荳蔻 白朮

胃虛嘔吐宜分寒熱

忌宜俱同前胃弱

霍亂 屬胃虛猝中邪惡氣及梅氣兼有停滯所

致

忌閉氣 滯膩 收欽 溫補 大熱 諸藥如左

二朮 銀杏 五穀 以上閉氣 猪肉 猪脂

地黃 當歸 以上滯膩 人參 黃耆 以上溫補 官桂

附子 吳茱萸 天雄 火酒 薑 以上

大熱 五味子 烏梅 醋 以上酸欽

宜調氣和中 辛散 消導 諸藥如左 內分寒

熱由於熱必口渴或口乾齒燥口苦小水短赤

白梅 白扁荳并葉 絲瓜葉 滑石

石膏 甘草 橘皮 縮砂蜜 木瓜

童溺 泥漿 香薷 厚朴

由於寒則小水清白不渴不熱

縮砂蜜 丁香 橘皮 藿香 白朮

吳茱萸

寒甚加桂附人參

絞腸烏痧脹屬胃氣虛猝中天地邪惡穢污之氣

鬱於胸腹間上不得吐下不瀉以致傷胃絞痛異

常胸腹驟脹遍體紫黑頭頂心必有紅髮急尋出

拔去之 急以三稜鏡針刺委中擠出熱血可立

蘇、次用新汲凉水投入鹽兩許恣飲得吐瀉即止、有夾飲食者以炒鹽湯投之、委中穴在兩

膝下灣橫文中間兩筋之中刺入一分、

一云龍腦香 蘇合香 藿香 檀香 乳香 并服

丹砂 牛黃 芒硝 童便

轉筋 分別寒熱證同霍亂 此因胃虛觸犯外

邪所致與肝經血虛轉筋不同

忌同前

宜調氣 甘平 辛香 諸藥如左

木瓜 石斛 橘皮 白扁苳

縮砂蜜 香薷 鷄舌香 白荳蔻 生薑

外治 楠材杉木湯浸洗

中惡腹中疔痛 屬胃氣虛惡氣客之所致

忌補 酸斂 諸藥如左

人參 二朮 黃耆 米麩食 以上

五味子 烏梅 醋 以上 酸斂

宜辟惡氣 通暢胃氣 辛散 諸藥如左

龍腦香 檀香 麝香 孕婦忌用 牛黃 乳香

蘇合香 丹砂 雄黃 鬼臼 藿香

橘皮 木香 沉香 白荳蔻 遠志

石菖蒲 乾薑 桂

反胃 屬胃氣虛

忌破氣 升 苦寒 甘 燥熱 諸藥如左

青皮 枳殼 枳實 厚朴 檳榔

牽牛 以上破氣 防風 升麻 柴胡 以上升 山梔

蘆薈 芍藥 黃芩 黃連 知母

黃檗 瓠 以上苦寒 甘草 飴糖 蜜 以上

甘

半夏 香附 二木 以上燥 桂

附子 天雄 乾薑 以上熱

宜補氣 降氣 和胃 清熱 酸斂以制肝

若因虛寒而得者宜補氣 佐以辛溫 諸藥如左

人參 蘇子 橘皮 枇杷葉 木瓜

竹茹 麥門冬 蘆根汁 石斛 白茯苓

苓 白芍藥 梅醬

兼寒加 生薑 人參 朮 白荳

蔻

中酒 屬胃弱

忌甘温 熱 濕燥 閉氣 升 收瀉 諸藥如左

甘草 飴糖 蜜 大棗 以上甘温 乾薑

吳茱萸 桂 附子 以上熱 半夏 南星

二木 以上閉氣 升麻 柴胡 防風 以上升 訶子

亞芙蓉 粟殼 以上收瀉

宜酸 辛散 養胃 諸藥如左

五味子 梅醬 橘皮 白荳蔻 黃連

縮砂蜜 人參 麥門冬 白扁豆 葛花

大腸虛

忌破氣 下 燥 熱 諸藥如左

青皮 枳殼 枳實 檳榔 厚朴

薑黃 以上破氣 大黃 烏白樹根皮 玄明

粉 芒硝 青礞石 巴豆 牽牛

以上下 半夏 南星 二木 防風

猪苓 澤瀉 羌獨活 漢防已 以上燥

附子 姜 肉桂 以上熱

宜補氣 潤燥 甘温 諸藥如左

人參

黃耆

麥門冬

五味子

白芍藥

炙甘草

虛熱便閉不通

屬血虛津液不足

老人血液

枯槁者同

忌破氣

下

斃通復閉 閉必彌甚

燥熱

苦温

損津液

諸藥如左

青皮

枳殼

枳實

厚朴

檳榔

薑黃

以上破氣

大黃

芒硝

烏臼根皮

玄明粉

青礞石

巴豆

牽牛

芫花

大戟

甘遂

商陸

以上

半夏

南星

猪苓

澤瀉

官桂

附子

吳茱

萸

硫黃

胡椒

蒜

燒酒

以上燥熱

二木

乾姜

以上苦温

郁李仁

損津液

宜生津液

潤

涼血

益血

諸藥如左

五味子

麥門冬

芝麻

麻仁

生蜜

天門冬

肉蓯蓉

生地黃

當歸

蘆薈

炙甘草

虛寒滑泄不禁

屬氣虛

忌破氣

下

濕潤

苦寒

諸藥如左

青皮

枳殼

枳實

檳榔

厚朴

以上破氣

大黃

芒硝

牽牛

巴豆

青礞石

芫花

大戟

甘遂

以上下

當歸

知母

天門冬

生地黃

括婁根

麩

猪脂

肉蓯蓉

以上濕潤

山梔

黃芩

玄參

黃礬

黃連

以上苦寒且燥

諸藥如左

宜補氣

升

甘溫

酸斂

人參

白朮

升麻

炙甘草

吳茱

萸

黃耆

補骨脂

木瓜

赤石

脂

五味子

蓮肉

腸鳴

屬氣虛

忌破氣

下

苦寒

諸藥如左

青皮

枳殼

枳實

厚朴

檳榔

以上破氣

大黃

芒硝

巴豆

牽牛

烏臼根皮

玄明粉

以上下

黃芩

黃連

黃礬

山梔

知母

以上苦寒

宜同大腸虛加升麻

柴胡

丹參

桔梗

半夏

海藻

昆布

以佐之

脫肛 屬氣虛兼有濕熱

忌同大腸虛

宜補氣 升 除濕熱

諸藥如左

人參

黃耆

白芍藥

蓮肉

白扁

荳

山茱萸

五味子

肉荳蔻

白朮

乾葛

柴胡

黃蘗

防風

炙甘

草

升麻

葛根

黃連

黃芩

樗根白皮

朮

外用五倍子傳

之

膀胱虛

忌破氣

燥

諸藥如左

又忌利小便藥

青皮

枳殼

枳實

檳榔

牽牛

以上破氣

半夏

南星

猪苓

澤瀉

二朮

防風

羌獨活

漢防已

以上燥

宜補氣

酸斂

諸藥如左

人參

五味子

山茱萸

益智子

金櫻

子

小便不禁

屬氣血虛

膀胱虛

忌降下 滑潤 燥熱 諸藥如左

知母 天門冬 生地黃 肉蓯蓉 當歸

以上 酥 桃仁 杏仁 郁李

仁 以上 半夏 南星 二朮 猪苓

澤瀉 木通 防風 防已 瞿麥

扁蓄 羌獨活 以上 官桂 附子

乾薑 硫黃 吳茱萸 胡椒 天雄

燒酒 蒜 以上 鹿茸 桑螵

宜同膀胱虛加牡蠣 龍骨

蛭 雞胍脰 山茱萸 益智仁

頻數不能少忍 加麥門冬 五味子 黃蘗

山茱萸 天門冬 鼈甲 牛膝 栝子

仁 甘枸杞子

遺尿 屬本經氣虛見小腸虛條內因膀胱虛亦

能致遺尿故復例此

宜忌俱見小腸虛

膀胱氣

忌同疝

宜同疝證諸藥選用

三焦虛

忌破氣 降 復忌升發 苦寒 諸藥如左

青皮 枳殼 枳實 厚朴 檳榔

以上破氣 石膏 知母 蘇子 鬱金

降香 以上降 升麻 柴胡 前胡 紫蘇

麻黃 以上升發 山梔 黃芩 黃連 黃蘗

以上苦寒

宜補中益氣 佐以辛溫 諸藥如左

人參 黃耆 白朮 益智子 沉香

五味子

腹寒 屬中氣虛

忌宜俱同三焦虛

短氣少氣 屬氣虛

忌同三焦虛

宜補氣益精 甘温 甘寒 酸温 諸藥如左

人參 黃耆 麥門冬 五味子

心實 卽實火實熱

忌補斂 升熱 温燥 諸藥如左

人參 黃耆 人胞 鹿茸 肉桂

五味子 補以上 升熱 柴胡 補以上 天雄

附子 胡蘆巴 桂枝 麻黃 仙茅

硫黃 胡椒 乾薑 吳茱萸 川椒

燒酒 蒜 熟以上 半夏 南星 二木

草薺 肉薺 白薺 葶撥 細辛

防風 藁本 温燥以上

宜降火清熱 苦寒以折之 辛寒以散之 甘

寒以緩之 鹹寒以潤之 諸藥如左

黃連 犀角 石膏 丹砂 牡丹

皮 滑石 生甘草 麥門冬 竹葉

童便

便結燥加 芒硝 大黃 發狂亦如之

讖語 屬心家邪熱

忌宜俱同心實

舌破 屬心火

忌宜同前

煩燥 屬心家邪熱及心火內炎

煩屬心 躁屬腎

忌宜同前

自笑 屬心家有熱邪

忌宜同前

發狂 屬心家有邪熱甚

忌宜同前

肝實

忌補氣

升酸斂

辛熱

辛溫

燥

諸藥如左

黃耆

鹿茸

人胞

人參

二朮

以上補氣

升麻

防風

以上升

五味子

烏梅

醋以上酸斂

麻黃

硫黃

槁本

官桂

附子

天雄

燒酒

蒜

胡椒

以上辛熱

乾薑

生薑

當歸

細辛

桂枝

以上辛溫

半夏

南星

天麻

以上辛燥

宜清熱降氣

苦寒

辛寒

甘寒

酸寒

諸藥如左

橘皮

青皮

黃連

龍膽草

柴胡

生甘草

白芍藥

黃芩

蘇子

善怒則氣上逆甚則嘔血食泄

忌補 升 熱 燥

閉氣

諸藥如左

人參

黃耆

五味子

以上補

升麻

柴胡

以上升

官桂

附子

乾薑

麻黃

硫黃

胡椒

火酒

蒜

以上熱

半夏

南星

二朮

以上燥麪

白果

以上閉氣

宜降氣

清熱

甘寒

酸寒

鹹寒

佐以辛

散

諸藥如左

蘇子

橘皮

番降香

生甘草

青黛

鬱金

黃連

赤芍藥

麥門冬

生地

黃

蒲黃

當歸

延胡索

善太息忽忽不樂

忌宜俱同善怒

脇痛嘔血

屬肝氣逆肝火盛肝血虛

忌同善怒

宜亦同加童便

發搐 屬肝家邪熱熱則生風風主掉眩故也

忌同前

宜清熱 降氣 利小便 緩中

諸藥如左

生地黄 白芍藥 黃連 丹砂 羚羊

角 童便 清熱 蘇子 麥門冬

降氣

生甘草 竹葉 甘菊花 中緩 白茯苓 木通

利小便

目赤腫痛 屬血熱

忌同肝實善怒

宜涼血清熱 苦寒 甘寒 酸寒 諸藥如左

生地黄 赤芍藥 大黃 甘菊 穀精

草 蜜蒙花 龍膽草 空青 曾青

木通

急者宜以三稜針刺破眼眶腫處將出熱血立解遲則血貫瞳人目損矣

本經序列 下卷之三

脾實 卽濕熱邪

忌濕潤

收瀉

滯膩

熱

鹹

甘

諸藥如左

當歸

肉蓯蓉

天門冬

麩

糟

酒 以濕潤上

烏梅

五味子

白果

肉苳

蔻

粟殼

亞芙蓉

訶子

以上收瀉

猪脂

羊肉

以上滯膩

天雄

附子

薑

桂

吳茱萸

萆撥

胡蘆巴

以上熱

鹿茸

食鹽

以上鹹

甘草

飴糖

蜜

人參

黃耆

以上甘

宜除濕清熱 利小便 辛散 風燥 苦寒

諸藥如左

黃連 木 山梔 猪苓 澤瀉

滑石 車前子 茯苓 枳實 白朮

菴 防風 乾葛

大腹水腫 由於實

忌同前

宜除濕清熱 利小便

木通 防已 車前子 猪苓 澤瀉

茯苓 葶藶 烏蠶魚 桑白皮 苦瓜

易飢 屬脾家邪火

忌升 辛溫 大熱 香燥 諸藥如左

升麻 柴胡以上升 官桂 附子 麻黃

硫黃 胡椒 火酒 蒜以上大熱 乾生

薑 烏藥以上辛溫 沉香 麝香 龍腦

縮砂蜜 荳蔻 藿香 半夏 南星

二木以上香燥

宜清火除熱 生津液 益脾陰 甘寒 苦寒

酸寒

諸藥如左

黃連

青黛

連翹

白芍藥

麥門

冬

石斛

酸棗仁

石膏

竹葉

口唇生瘡

忌温燥

熱

諸藥如左

乾生薑

二朮

半夏

南星

以上温燥

官桂

吳茱萸

附子

胡椒

天雄

蒜

火酒

以上熱

宜甘寒

酸寒

苦寒

辛寒

諸藥如左

麥門冬

甘草

白芍藥

五味子

生地

黃

黃連

黃檗

玄參

連翹

括婁根

乾葛

石膏

龍膽草

大青

竹葉

石蜜

酥

豉

口糜

忌宜俱同口唇生瘡

中消

以上三證

俱屬脾家實火

忌破氣

下

温燥熱

諸藥如左

青皮

枳殼

枳實

厚朴

檳榔

以上
破氣

大黃

芒硝

玄明粉

巴豆

牽牛
以上
下

溫熱燥熱諸藥同口唇生瘡

宜服諸藥同口唇生瘡加 人參

濕熱腹痛按之愈甚

忌悶氣

酸斂

溫熱燥

諸藥如左

二朮

訶子

黃耆

麩食

以上
閉氣

五味子

烏梅

糟

酒

醋
以上
斂

溫熱燥諸藥同前

宜利小便

苦寒

兼升提

諸藥如左

滑石

車前子

木通

黃連

黃芩

升麻

柴胡

葛根

防風

不愈加熟大黃

即土鬱則奪
之義也

肺實

忌飲瀉

補氣

升

燥

熱

酸鹹

諸藥如左

五味子

烏梅

訶子

栗殼

白果

以上
飲瀉

人參

二朮

黃耆

以上
補氣

升麻

柴胡

以上
升

半夏

南星

烏藥

香附

猪苓

防風

澤瀉

以上
燥

官桂

附子

天雄

乾姜

吳茱萸

以上
熱

醋

鹽以上
酸鹹

宜降氣

潤

甘寒

苦寒

佐以辛散

諸藥如左

蘇子 枇杷葉 桑白皮 括婁根 杏仁

白朮 前胡 知母 車前子 桑黃

石膏 黃芩 天門冬 貝母

喘急 屬肺有實熱及肺氣上逆

忌同肺實

宜同前 加桔梗 甘草 括婁仁 玄參

青黛

氣壅 屬肺熱氣逆

忌同肺實

宜同喘急

聲重痰稠 屬肺熱

忌同肺實

宜同肺實加貝母 薄荷 竹瀝

肺癰 屬肺熱極

忌同肺實

宜清熱 消痰 降火 解毒散結 甘寒 苦

寒辛寒 諸藥如左

桑白皮 桑黃 黃芩 貝母 括婁

根 薏苡仁 葢菜 虎耳草 鼠粘

子 連翹 甘草 敗漿

百年醃芥菜汁

肺脹悶 屬肺熱

忌同肺實

宜同肺實 并叅用肺癰諸藥

吐膿血 血痰 咳嗽血 屬肺虛火實熱甚

此正邪氣勝 則實之謂

忌同肺實

宜清熱降氣 涼血 豁痰 兼補肺 諸藥如左

童便 蘇子 枇杷葉 桑白皮

麥門冬 剪草 蒲黃 生地黃

天門冬 百部 桑黃 百合

薏苡仁 甘草 貝母 白芍藥

白芨末

喉癰 屬肺熱

忌同肺實

宜同前加 鼠粘子 玄參 射干

上消 屬肺家實火及上焦熱

忌同肺實

宜降氣 清熱 補肺 生津 甘寒 苦寒

酸寒 辛寒 諸藥如左

蘇子 麥門冬 枇杷葉 桑白皮 百部

百合 黃檗 天門冬 沙參 黃芩

黃連 括婁根 葛根 知母

白茅根 枸杞根 石膏 生地黃 甘草

五味子 白芍藥 箠竹葉 小麥 蘆根

冬瓜 人乳 牛乳 羊乳

兔絲子 牛膝 天酒

腎無實故無瀉法

命門寶

忌補氣

溫熱

諸藥如左

人參

人胞

黃耆

以上補氣

薑

肉蓯

蓉

瑣陽

藜香

鹿角

鹿茸

淫羊藿

以上溫

官桂

附子

仙茅

硫黃

以上熱

宜苦寒

甘寒

酸寒

諸藥如左

黃檗

知母

玄參

天門冬

麥門冬

牡丹皮

車前子

木通

強陽不倒 屬命門火實孤陽無陰所致 此證多不治

忌同命門實

宜同命門實加五味子 童便 生地黃

水竅澀痛 屬命門實火

忌同命門實

宜清熱 利竅 甘寒 苦寒 鹹寒 佐以淡

滲 諸藥如左

黃檗 知母 車前子 生地黃

天門冬 生甘草 黃芩 牛膝

麥門冬 茯苓 木通 童便

小腸實

忌歛澁

補氣

諸藥如左

五味子

烏梅

龍骨

牡蠣

訶子

益智

以上歛澁

人參

黃耆

二朮

以上補氣

宜通利

淡滲

苦寒

甘寒

鹹寒

諸藥如左

車前子

白茯苓

木通

生甘草

黃檗

知母

黃芩

牛膝

麥門冬

生地黃

黃連

童溺

小水不利及赤

或澁痛尿血

忌宜俱同前

膽實

忌汗吐下

諸藥如左

麻黃

桂枝

羌獨活

生薑

以上汗

梔子

參蘆

蝦汁

瓜蒂

以上吐

大黃

芒硝

枳實

以上下

宜和解

辛寒

甘寒

苦寒

辛溫

諸藥如左

柴胡

黃芩

半夏

生薑

甘草

橘皮

龍膽草

口苦

耳聾

脇痛

往來寒熱

忌同膽實

宜用仲景小柴胡湯隨所見兼證加減

鼻淵 屬膽移熱於腦

忌辛溫 燥 熱

諸藥如左

芎藭

白芷

防風

生薑

以上辛溫

半夏

南星

二朮

以上燥

麻黃

桂枝

附子

天雄

以上熱

宜清熱

補腦

甘寒

甘平

佐以辛寒

諸藥如左

天門冬

甘菊花

生地黃

黃芩

黃柏

玄參

沙參

白芍藥

薄荷

知母

柴胡

辛夷

沙苑蒺藜

胃實

忌升

補斂

辛溫

燥

熱

濕熱

如左

升麻

柴胡

防風

以上

人參

黃耆

二米

五味子

肉苳菹

醋

烏梅

以上

芎藭

白芷

防風

生薑

以上

半夏

南星

以上

桂枝

麻黃

附子

天雄

硫黃

以上

南麩

糟

酒

犬羊猪鷲等肉

肉苳蓉

以上

宜下

如邪未結宜清熱發散

苦寒

辛寒

甘寒

諸藥如左

大黃

枳實

知母

石膏

麥門冬

甘草

竹葉

葛根

大青

小青

青黛

鹽

苧根

讖語發狂發斑棄衣而走登高而歌

屬胃家邪

熱實

忌同胃實

宜同胃實如大便結者亟下之

發斑者加鼠粘子

玄參

葛根

括婁

根 多用石膏為君 便結亦加大黃下之

口臭數欲飲食 屬胃火

忌同胃實

宜清熱降火 苦寒 甘寒 辛寒

諸藥如左

黃連 青黛 連翹 麥門冬 石斛

蘆根 竹葉 石膏 白芍藥

嘈雜 屬胃火

忌宜俱同口臭

口淡 屬胃熱

忌宜俱同口臭

嘔吐 屬胃火者必面赤小便短赤或澀大便多

燥口苦或乾渴

忌同胃實

宜同胃實 加枇杷葉 竹茹 木瓜 蘆根

橘皮 通草 白茯苓

吞酸 屬胃火

忌同胃熱

宜同口臭 加麥蘖 橘皮 神麩 山查

大腸實

忌補斂 燥熱 諸藥如左

二木 人參 黃耆 烏梅 五味

子以上補斂 半夏 南星以上燥 桂枝 麻黃

附子 蒜 天雄 胡椒 火酒

以上熱

宜潤下 苦寒 辛寒 諸藥如左

生地黃 麻仁 桃仁 黃連 黃芩

槐花 大黃 石膏 知母 枳殼

便鞭閉

忌同大腸實

宜同前 加芒硝

猪膽

栝榔

郁李仁 石蜜

腸風下血 屬大腸濕熱

忌下 燥 熱

諸藥如左

大黃

芒硝

牽牛

巴豆

薑黃

以上

半夏

南星

以上

桂枝

吳茱萸

麻黃

附子

胡椒

薑

火酒

蒜以上

宜清熱涼血

兼升

甘寒

苦寒

諸藥如左

生地黃

槐花

防風

甘草

黃連

黃芩

荆芥

紅麴

薏苡仁

白芍藥

側柏葉

地榆

赤石脂

龍骨

牡蠣

白朮

蜂蜜

白頭翁

蒲黃

猪懸蹄

雞子

葛穀

槐花

臟毒 屬血熱

忌同腸風下血

宜同前加 金銀花 或藤 倍地榆

麥門冬 蒲黃

腸癰 屬大腸實火

忌同腸風下血

宜下 苦寒 解毒 諸藥如左

大黃 白藥子 白芷 白芨 白斂

連翹 忍冬藤 天明精 甘草 黃耆

生地黃 明礬 黃臘 生蜜 以上三味作丸

膀胱實

忌燥 熱 收瀉 諸藥如左

半夏 南星 二木 以上燥 桂枝 麻黃

附子 天雄 吳茱萸 胡椒 火酒

蒜 以上熱 龍骨 訶子 益智

金櫻子 以上收瀉

宜潤 淡滲 諸藥如左

知母 黃栢 車前子 木通 瞿麥

滑石 茯苓 猪苓 澤瀉

癰閉有伏熱 屬膀胱邪熱

忌破氣 發散 燥 熱 如屬水液不足兼

忌利小便 諸藥如左

青皮 枳殼 枳實 厚朴 枳榔

以上破氣 羌獨活 細辛 防風 麻黃

紫蘇 以上發散 半夏 南星 二朮

以上燥 桂枝 補骨脂 吳茱萸 胡椒

附子 以上熱 瞿麥 滑石 海金沙 木通

葶藶 猪苓 扁蓄 澤瀉

烏柏樹皮 以上利小便

宜同前佐以升提如升麻之類如屬水液不足者

宜滋水 潤 補氣 生津液 甘寒 辛寒

諸藥如左

麥門冬 五味子 人參 枸杞子

生地黃 梨 天門冬 車前子 蘇子

牛膝 知母

三焦實

忌補斂 升 燥熱

諸藥如左

人參 黃耆 二朮 五味子 烏梅

益智仁 訶子以上補斂 升麻 柴胡 防風

以上 半夏 南星 麻黃 桂枝

附子以上燥熱

宜降 清熱 調氣 甘寒 苦寒 鹹寒諸藥如左

蘇子 麥門冬 知母 童便 黃蘗

玄參

喉痺

即纏喉風

屬少陽相火少陰君火並熾

經曰一陰一陽結為喉痺 一陰者少陰君火

也一陽者少陽相火也

忌同三焦實

宜辛散 佐以苦寒 鹹寒 急則有針法 吹

法 吐法

諸藥如左

鼠粘子 山荳根 射干 黃連 黃檗

知母 玄參 童便 蘇子

麥門冬 貝母 甘草 生犀角

山慈菇 巴荳 三錢 苦梗 續隨子 即千金子

急治外用胆礬 朴硝 牛黃 為末和勻吹

入喉中或并點於患處

又秘法用 明礬 三錢 巴荳 七粒 去殼同礬煨

礬枯去巴荳即取礬為細末吹入喉中流出熱

涎即寬

頭面赤熱 屬上焦火升

忌同三焦實

宜降 清熱 甘緩 佐以酸斂 諸藥如左

蘇子

枇杷葉

天門冬

麥門冬

玄參

薄荷

括婁根

梨

柿

蔗

童便

白芍藥

五味子

赤白遊風

屬血熱熱則生風故善遊走

俗名

火丹

小兒多患此大人亦時有之

忌同三焦實

宜清熱

涼血

兼行血

辛寒

甘寒

苦寒

鹹寒

諸藥如左

生地黄

黃連

黃蘗

生甘草

牡丹皮

蒲黃

紅藍花

連翹

玄參

鼠粘子

牛膝

藍汁

苧根

童便

赤芍藥

宜兼外治砭出熱血及用漆姑草慎火草搗爛敷

之即易愈